

75-237.58/310

39

1

4

HARVARD COLLEGE LIBRARY
FROM THE
HARVARD - YENCHING
INSTITUTE
MAR 1 1932

御選明詩卷第四十六目錄

七言古詩十一

張祥為一首

申時行三首

王錫爵二首

許國一首

歸有光一首

皇甫濬一首

皇甫汸一首

馮惟訥一首

王世貞六首



御選明詩卷第四十六目錄

七言古詩十一

張祥鳶一首

申時行三首

王錫爵二首

許國一首

歸有光一首

皇甫洵一首

皇甫汸一首

馮惟訥一首

王世貞六首



王世懋一首

謝榛二首

梁有譽二首

宗臣十首

徐中行一首

吳國倫五首

張九一一首

俞允文二首

盧柟八首

李先芳二首

黎民表三首

十六日驗

魏允中一首

曹大同一首

孫宜一首

葉春及一首

施漸四首

李奎一首

張元凱六首

陳第一首

呂時臣一首

鄭若庸一首

徐渭十首

沈明臣五首

姚咨一首

牟嘉叙一首

唐詩一首

岳岱一首

陸張州一首

王叔承四首

無名一首

曹人四一首

謝公中一首

御選明詩卷第四十六知小山

七言古詩十一

張祥鳶

月夜芙蓉

白露塗屋霜華清芙蓉花開池水平池邊亂葉落無數
風吹簌簌微有聲我思美人瑤之圃別時缺月今復盈
良宵對月遙相憶手采芙蓉寄月明

申時行

人日王子幻見過

去年人日歌送君泰山朝旭盤山雲今年人日君相過
雪花欲凍梅花破浮踪聚散不須臾轉眼流光似隙駒

春風幾度頻回首對君且進杯中酒酒邊為我談壯遊
五臺勝絕空神州罡風吹人墮溝壑昂然獨立如孤鶴
嶽神呵護信有靈從此人間隱姓名一生好遊輕萬里
歸來且釣吳江水相逢不厭頻相親與君長醉蒲萄春

賦得桂子月中落

古來靈隱標奇勝鷲嶺龍宮相掩映靜夜千峯散綠煙
清秋萬頃開冰鏡雲外飄颻若雨珠廣寒迸出青珊瑚
淋漓露氣垂金粟縹緲天香墜玉壺初疑仙杵投靈藥
忽似曇花零碧落銜實何方集遠雞洞冥記云有遠飛雞銜桂實來南土繞枝
幾度驚飛鵲銀闕瓊樓不可攀長留膏馥在人間傳神
獨有延清句不用淮南賦小山

洞庭篇壽嚴中翰

崔嵬乎洞庭之山乃在勾吳之墟具區之藪芙蓉點點
七十二雙結青螺縮其口我昔凌滄洲振衣千仞巔西
登縹緲接銀漢東望莫釐生紫煙珠宮貝闕儼相向恍
似負嶠方壺天吾聞靈威丈人入林屋手探蒼水金庭
籙又聞毛公羽化留空壇時有鸞鶴來雲端茲山信美
多靈秘幽棲故是神仙地主人三殿倦揮毫出山便作
還山計只今六十早歸田攝生日誦參同篇洞庭之水
釀春酒醉來恣拍洪厓肩

王錫爵

題成祖四駿圖

錄二首

龍駒

玉勒繡纏鬃天殿出真龍報恩苟得所寧論劍戟鋒是
時元戎方首路霜毛血濺仍馳騫將軍抽矢前致詞願
言不忘射鈎時

飛兔

白溝昔合圍龍駕忽三易不成玄武陣寧標飛兔跡鬚
鬣漬血汗成珠此時七萃紛前驅即今宛馬西來道試
看茫茫白溝草

許國

迴瀾石

平山蜿蜒遙山裏岸轉沙窮翠屏起迴作激潭玉鏡開

一片芙蓉插秋水芙蓉秋水照晴空雲錦參差圖畫中
聳立千尋勢不倚衝波逆障何其雄世間之水總流東
誰當橫潰皆天工君看萬古黃河上片石孤懸砥柱峯
歸有光

題異獸圖

昔年曾讀山海經所稱怪獸多異名仲尼刪書述禹貢
九州無過萬里程搏木青羌何以至伯益所疏疑非真
西旅底貢召公懼作書訓戒尤諄諄周史獨著王會篇
睚眦百怪來殊庭載筆或是誇卓犖傳久孰辨偽與誠
雖然宇宙亦何盡環海之外皆生人陰陽變幻靡不有
異物非異亦非神曾聞漢朝進扶拔唐時方貢來東旌

御選明言 卷五
壹角馬尾出絕壁綠毛忽向人間行近代所聞非孟浪
往往史牒皆有徵今之畫者何所似毋迺誕漫不足憑
考古圖記豈必合任情意造皆成形畫狐似可作九尾
赤首圜題隨丹青嗚呼孰謂解衣盤礴稱良史不識騶
牙與麟趾

皇甫湜

秋日過莊居

千家樓閣俯溪流一道銀河漾綵舟花洲源裏通仙郭
櫺廊山面接平疇平疇靡迤趨荒陌虎阜玲瓏望非隔
松菊歸來陶令居雲霞宛對王珉宅嗟予十載滯華臺
無復求羊問草萊行披薜荔尋雲入重塞芙蓉向水來

回看荏苒浮年度物華慘澹臨秋素棲禽半沒滬魚蹊
落葉全深採樵路君不見魚腸鑄水只殘流鶴舞市門
難辨處念此令人感廢興何況區區歎遊寓回棹夷猶
未肯前傷心寂莫寒煙樹

皇甫洵

送阮將軍北上

阮侯才氣何翩翩少年志欲圖凌煙屏居一自藍田後
綠沉久卧蒼苔前祇知屈宋工題賦翻笑孫吳用兵誤
種瓜聊傍東陵門射虎忘却南山路君不見老驥雖伏
櫪長懷千里途李陵不歸豈國士魏尚復起誠丈夫我
有美酒傾玉壺飲君願奮千金軀功名會可收桑榆

馮惟訥

送杜明府謝政還遼

仙郎逸氣橫朝野，傲岸不落風塵下。
邴丹六百輒免官，王陽九折能還馬。
羈心浪跡日悠悠，楚水吳山十度遊。
秋風君度紅驪磧，知我題詩白鷺洲。

王世貞

爲錢叔寶題懸罄室

錢郎坐我懸罄室，要我爲作懸罄篇。
我歌欲就須斗酒，君言室中無一錢。
空梁頗受落月色，北窗僅可涼風眠。
門前黃葉霜如洗，刺促歸來愧妻子。
已少成都學士裘，祇饒東郭先生履。
挂壁蠨蛸寒欲墮，當門烏雀時空喜。

自矜顧愷爲前身，丹青在手終不貧。
只愁妙畫通神去，依舊能生釜底塵。

經封丘記故尉高適詩有作

我行長夏之封丘，紅塵罨汗汗不流。
東鄰苦酒苦於藥，西舍濁醪濁似油。
馬頭黃綬令勿跪，恐有當時高蜀州。
拜迎官長亦細事，鞭撻黎庶將何求。
一官大小各有味，不置齒舌應即休。
諸君異日但北首，看我歸騎凌清秋。

領鄖陽命出朝口號

五花小龍團墨敕，生新寶鈔鴉翎黑。
黃封餽合紛後隨，洪酒三杯壯行色。
縱然才劣忝軍鎮，稍喜時清偃兵革。
節度從他學襄樣，征南自古多書癖。
碧油幢底見故人。

御選明言 卷五
喚作麤官麤亦得

贈梁公實謝病歸

汝謀結室羅浮頂下飲仙人葛洪井桂樹宛宛山日深
松風濛濛白雲冷我亦僅買蜻蜓舟歸與少年爲薄游
采蓮一曲杳然去得醉即卧清溪頭

夢中得語云百年那得更百年今日還須愛今

日因戲成短歌

化人宮中百事無道書一卷酒一壺枝頭黃鳥聽作曲
西山白雲看作圖朝愛朝暎上東岫夕愛夕陽映西牖
任他故人不通謁任他朝事不挂口偶然案頭餘酒杯
偶然躡屩山僧來自斟自醉當自去禮豈設爲我輩哉

昨夜懵騰意超忽寤時得語醒時述百年那得更百年
今日還須愛今日縱能拂衣歸故山農耕社劇亦不閒
何如且會此中趣別有生涯天地間

短歌答張幼于茂才

白龍宛轉逢泥淖漁人色喜路人笑空銜一寸明月珠
眼底無恩可相報張生贈余瑤華篇狂歌隕淚秋風前
何時共鼓滄波去海擊三山吞紫煙

王世懋

人日袁考功見過

今年人日百不娛客游金陵家在吳金陵春事亦不薄
有官何似當年無清溪館前日欲晡誰其過我袁大夫

喜是舊日高陽徒十千斗酒不用沽牀頭春甕足百壺
春云滿地雲糝糊渡口桃花未著葉門前楊柳難藏烏
金陵少年紫驪駒有酒只過秦羅敷飛光荏苒歲易徂
二毛便欲侵頭顱男兒纔拄馬曹笏河山已限黃公壚
仰天且莫歌嗚嗚尊中酒盡可復呼霜落烏啼更明日
摧眉還向府中趨

謝榛

西園春暮

西北風來何太劇落花滿園春可惜黃鸝叫春蝴蝶愁
四野無人日將夕惟有一枝留晚春當砌徘徊不忍摘
且將尊酒對殘花春去悲歌復何益

客居篇呈孔丈

客居寥落天積陰其奈二毛愁復侵東籬有花白衣至
菊花恨不栽成林糟牀雨聲夜徹耳醅甕春色時關心
昨夢長江變綠酒茫茫不知幾許深倒吞明月蕩豪興
下有蛟龍那敢吟屈原李白莫相笑肯與爾輩俱浮沉
醒者醉者懷不同我狂獨在醒醉中百年形骸匪金石
詎可一日無春風燕臺梁園舊遊處好客邇來惟孔融
太行山頭共俯仰人間誰識真英雄幾醉良宵感秋別
六火自西人自東

梁有譽

湖口夜泊聞鴈

謝榛

梁有譽

梁有譽

北風夜泊蘆花渚蓬底青燈鴈啼雨水宿雲翻路幾千
更闌月落知何處風塵瀕洞誰非客憐汝南飛霜霰隔
京鳴却似畏矰繳塌翅何能傳尺帛嶺樹重重是故鄉
故園諸弟日相望寒宵聽汝應欹枕兩地相思魂夢長

燕京俠客吟

翩翩俠客出燕京長筵廣宴羅簪纓豔姬呈趙舞少女
擅秦聲庭前萬樹鶯花明眼看世事鴻毛輕百遍飛觴
歌未足半酣更進伊涼曲嫣然一轉開心顏却笑草玄
謾幽獨楊花亂撲鷓鴣裘誰能不飲空自愁醉來拔劍
起自舞天邊斫斷黃河流不肯斂衽事七貴不學低眉
謁五侯向天長嘯振林木俯仰今古皆浮漚萬金築成

走馬埒盡道繁華人共悅昨日車騎游如龍今朝桃李
飛成雪桃李飛飛黃鳥哀酌酒且上燕昭臺憶昔燕昭
下士日高談霸略吞九垓郭隗當師位樂毅抱奇來黃
金銷歇威稜失千載雄圖安在哉又聞鄒衍生挾策事
豪舉矯首聊將玉律吹茫茫寒谷生禾黍莫言造物不
可期人力回旋有如許今人古人不相待行樂莫使朱
顏改志何苦而隱南山憤何深而蹈東海有霞不堪餐
有芝不堪採俠客豪來還自吟長風日暮吹蘭茝

宗臣

送白府之汝南

昨日逢君薊門東千家楊柳春雲碧今日送君薊門西

匹馬翩翩夏雲白白雲一去二千里君亦隨之度汝水
汝水照人明月寒君家心事亦如此聞君昔綰瀟湘符
風流文雅寄蒼梧黃金燕市大如斗遲爾雲霄雙玉鳧

湖上幽棲四章爲沈二丈賦

主人結屋楚江曲身被薜蘿坐空谷青天雙眼望鴻鵠
春風一夜開石門萬里薜蘿散新綠
白雲莽莽行山阿北窗疎簾高枕多赤日紅塵將奈何
天風忽送千江雨爲爾巖頭洗薜蘿

瑤天露白彩雲沒細埽青松烹紫蕨中夜星華濕秋髮
波間古龍忽啾啾人在滄江弄明月
三五幽人踏月華湖南湖北尋梅花相逢疑到赤松家

中流一曲寒江笛吹落崑崙萬片霞

酌洞口

華陽洞前秋如霰華陽洞裏光走雷聞道寒雲深復深
石壁一竅細如線吾來大叫石壁開綠眼仙人夜初見
留之三日不出門咽盡桃花千萬片

月夜

嚴州城南秋雨繁嚴州城外波濤喧兩岸人家住楓橘
千門秋色分蘭蓀楚臣正愛薜荔佩秦人莫愛桃花源
相逢今夜開斗酌千山蒼翠流空樽醉來高卧明月裏
尚有白雲來候門

歸歎

徐運則言 卷五 九
薊門春盡雲陰陰倚杖出門愁暮禽千金裘馬只自好
萬里江湖誰復尋武陵一別桃花源欲歸不歸傷我心
青楓未老楚月白吾將長嘯投吾簪

登江門諸山

山頭日白雲英英千峯倒插千江明手把芙蓉步石壁
蒼翠亂射猿鳥驚誰其雲外吹紫笙欲來不來空復情
天風吹我佩蕭瑟恍疑身在崑崙行

夜歇

萬片浮雲墜江白江上青楓愁楚客天風忽送明月來
爲我山中埽蘿石醉把長簫石上吹散盡長空秋一碧

徐中行

過秦郵與袁明府文韞飲甓社湖因憶吾友宗
子相嘗豪飲於此屈指二十年所矣袁是子相
通家子也感而賦贈

宗君一往二十年江左風流尚宛然袁郎崛起亦不晚
遺調曾傳廣陵散恍如楊子逢桓譚安得中郎遇元歎
作客況在黃巖山卧起雲壑非人間訟堂一揮百牘盡
坐聽流水心常閒興來筆底興煙霧華頂霞標照毫素
海嶠曾賡康樂詩天台未數興公賦夢寐惟思燕市盟
白雪一字千金輕但逢吾黨便絕倒三公九錫非其情
所者甘泉計羣吏冠蓋紛紛向朝市翩翩鳧舄人不知
獨夜燕關叩蕭寺入門一揖即稱詩崑崙磊落心奇之

飲罷諸天明月墮復似西江夜詠詩爲歡幾日忽分手
艤棹秦郵遲予久娛以千金秦女簫飲我十日平原酒
驪珠忽浮甕社湖酒酣興劇仍狂呼風雷半夜驚濤起
應是當年舊酒徒

吳國倫

閶門別吳叔嘉短歌

吳中少年多好文澹交雅致無如君綠髮遊蹤半五嶽
歸來四壁滄江瀆憶從下雉一攜手乞吾片言長在口
我今東泛五湖來十日三醉君家酒酒酣欲別君奈何
閶門獨立成悲歌贈君盧敖之杖王喬舄片雲吳楚便
相過

飯金雞驛

金雞山頭金雞驛空庭芳草平如席瘴雨蠻雲天杳杳
莫怪金雞不知曉聞君遠遊將底爲脫粟之飯甘如飴
石門風高千樹愁白霧猛觸羣峯流有客驅馳暮未休
山寒五月仍披裘飢烏拉沓搶驛樓迎人山鬼聲啾啾
殘月炯炯明吳鉤竹牀無眠起自謳

過五郎磯

黃龍洲前雪浪飛浪花疊作五郎磯小艇縱橫截洄洑
張網捕魚一何速造次經過不知險坐愛山衣綠如染
閒情沙鳥俱悠悠萬古如斯江漢流

送徐行父少參赴關內
戍陽天下險洛邑天下中潼關睥睨周西東君自三川
歷三輔分陝經營王命同登車慷慨千人雄矯若八翼
凌蒼穹左馮翊右扶風漢闕秦畿指顧通為將匣裏雙
龍劍擲作天邊二華峰

張九一

為張生題趙子昂畫菜

誰種嘉蔬繞我堂峭蒨青葱照棟梁須臾絹素發練光
吳興筆力敵穹蒼大者扶疎琅玕樹小者婀娜翡翠羽
便欲采擷媚盤餐山蕨湖蓴焉足數老圃對之長歎息
錯認當年手所植甲坼非關抱甕功華滋盡比束芻色

忽憶籬落栽培汝西風憔悴同荆杞寂莫灌園於陵子
爭似陽春常駐此根葉不隨天運徙雪片如席徒為爾

俞允文

贈性公

性公老禪僧中傑目似青蓮心似鐵天花結鬢垂龐眉
香氣隨風生頂穴心持貝葉日千遍手拄猢猻藤百節
庭前栢子菩提青堦下澄溪無惱熱經行處處藏煙霧
生世無心路長絕我來蘭若多年所自笑鳩留困於此
吾師五指能四分僧跋時時還入耳何年更乞甘露偈
一灑清涼潤肌髓

征馬嘶送歸有光

白楊花飛江水黑江頭行人頭盡白青山日出煙塵昏
馬上誰為都門客都門豪客長安兒蒲萄百斛柳千絲
戎裘玉駿邯鄲姬虎旗繡簇紅鴉啼長安三月春未暮
城中不見遊人歸遊人歸醉滿堤青草長征馬嘶

盧柟

留別馮少洲進士

春風吹綠雪湖水生微波與君上河梁攜手哀情多此
時客意難舉觴道傍楊柳鬱金黃欲折一枝留郢客柔
絲冉冉斷君腸斷君腸勞君顧離思渺渺青山暮青山
暮兮傷我心我車南還執子衿贈爾媿無英瓊瑤倚馬
聊為梁父吟

送崔秀才南還

孟冬送客臨沙浦瀟瀟風動薊門樹驂騑銜轡不肯行
一鷲南飛過天柱燕臺擊筑且高歌青樽酒盡紅顏酡
五更鼓角星野平看汝騎馱凌天河

七夕

銀闕含秋星欲爛天孫脉脉度河漢仙鬢玉珮那可聞
佳人夜半開簾看階前月色疑有霜獨坐穿針向畫廊
東方日出烏鵲曉天上人間枉斷腸

襄國飲鴛水野亭奉懷張壚山明府

我盡野亭鴛水陰平沙落日青楓林寒花爛漫不自愛
霜風一隨柴門深我來對此沉吟久況是壚山別離後

何處浮雲晚未還散愁且醉襄城酒

登西城嘉禾樓重送張壚山赴部

高樓西望縈空煙南風渺渺吹河船碧沙細草遠相送
一夜飛過黎陽川驚魂如縷隨君還恨無雙翼凌青天
魏闕霾陰雷隱怒灞水橫波不可渡此時揮手重堪悲
千里相逢未有期燕臺倘值悲歌飲擊筑先尋高漸離

送友人南還

鳳凰樓外雲氣長青袍白馬生輝光送君千里促羽觴
鳴箏清歌如故鄉相思明日忽分手誰把青驄繫綠楊

寄謝逸人四溟二首

漢京詞賦多風雅前擁鄒生後枚馬四溟旅人興最豪

馮軒落筆長河瀉醉中一別十經秋落葉翩翩歎白頭
思君恨無黃鵠羽涕泗遙瞻滄海樓
海水飛動凌三山巨鼇出沒流其間人生風波有如此
颯颯秋風凋玉顏魯連自是紫煙客倜儻長揖二千石
一朝談笑解聊城東入滄溟渺無跡

李先芳

泗溪風雨

扁舟東下泗溪水細雨鳴舷風浪起沙際停橈夜寂寥
孤燭亭亭照行李平明舍舟陟崇岡灘頭水漲川無梁
一林楓樹啼秋葉兩岸蒹葭拂曉霜

對月

御選明言 卷五
碧天如洗月皎皎九陌行人跡如掃遊子天涯正寂寥
此下草蟲啼不了涼風吹月夜將闌年年相見在長安
笛中欲和關山曲却恐他鄉白雪寒

黎民表

肖甫送至天雄故城因觀宋大觀五禮碑同賦
風吹古城勢欲倒征車北指燕山道道傍穹碑十丈餘
雨剝霜風卧青草我行拂拭開塵沙良工獨苦咸咨嗟
婉麗似出虞秘監廓落正類顏瑯琊金薤離披立蛟鵠
赤手欲掣生龍蛇誰其能此宋令主千載重操黑帝矩
宮中才人捧硯立殿前常侍登牀取白麻宣詔賜天雄
署銜紙尾紛華蟲凋鐫琬琰勒黃絹典雅尚有承平風

可惜龜螭半斑剝牧童燒焚牛礪角銅仙何日去咸陽
花石無踪尋良嶽停驂啜古不勝悲況是郵亭把手時
關門令尹逢迎處更說羊公曾過之

遇張元春

俠斜日暮紅塵裏揚鞭識是張公子春風大道控驂騮
明月西園醉桃李琅玕玉樹媚容姿步上黃金未足奇
諸生解在東山詠才子邀吟輞口詩長裾嬾作侯門客
挂帆歸訪專諸宅淋漓青壁滿題名牛衣勝臥長安陌

題黃山谷書黃龍禪師開堂疏

鍾陵行草稱第一早歲已入蘭亭室轉運應知腕有神
掣顛尤工老來筆學詩惟許杜少陵翰墨黃州迺其匹

宋人豈解識真龍天殿驂騮縱奔逸籍名黨錮疾如仇
白目黔陽作繫囚平生正得參禪力萬里危途百不憂
黃龍老宿爾何子槁目曾識東家丘相酬妙語千金直
能使芳名萬古流擘窠何人勒翠琰野火不肯焚銀鈎
何年搨本來燕市慘澹無人知滿字金門久客逢休澣
北牖臨風自粘綴短髮誰知心尚長側釐尚望君王賜
魏允中

懷王公子問伯

北風十月孤舟雪河上逢君酌酒別東風二月花紛紛
把酒看花却憶君君在江南不可見相思遙望洞庭雲

曹大同

元旦酬贈陳海門留讌

勾芒御春陽景熙明庶祥風原野披簇簇卿雲千頃合
霏霏濡露百榮滋黃堂瓊枝直挺秀郎署華精參列宿
陳蕃後裔八閩豪製錦鳴琴來海濤海濤頻年氛浸多
夷舫血戰翻鯨波積陰寒谷思回暖喜見賢侯曳珮過
仁風乍扇化已浹品物昭蘇元祚協履端介祉啟芳辰
燕寢香凝動懽頰雙瞳顧我若平生柏酒殷勤相向傾
已沾玉饌方圓溢復聽華梁歌吹盈坐眷蘭心挹芳馥
文德懸知覃蔀屋共推小范甲兵胸載展士元騏驥足
嗟丁濩落卧江濱年年椒頌向誰新甘棠蔽芾徵鄰壤
海上長歌不老春

孫宜

王生入山謝事戲簡

疾風吹雲暗江縣東城之雷北城電城中一雨絕可憐
十日不見王生面昨當折簡傳深意咫尺山城爾須至
揚雄草玄亦避人侯芭載酒曾多事

葉春及

王憲副招飲梅菴

北風無雲凍欲裂野人僵卧山中雪使君清興似南樓
尺書招飲梅花月梅花香影落江濱月華如畫酒初醺
夜闌坐覺禪心長孤磬泠泠竹院聞

施漸

李贈吳還

山人為客吳門久白髮蒙茸將被首興到青山不問家
笑來花肆常沽酒行路蕭然滿篋詩風流文采雅堪師
自言身是陶弘景說與世人誰得知

山中對酒作

昨日不悔今已遲有酒且倒山中巵巖下採芳可卒歲
身外求名復幾時世情悠悠持隴蜀終局何曾喻難覆
寸長尺短策無如知雄守雌道常谷不須康莊泣路窮
不須凡鳥求梧桐若令貧賤能知足相逢但喚是愚公

送華明伯遊京師

閉門讀書費探討少長未識幽燕道一朝慷慨輕去鄉

萬里雲山祇談笑知君不為干明主俯仰何堪滯閭里
金門試尋大隱處柱下倘逢周內史京城紛紛多貴人
紫貂朱孔玉麒麟彈碁六博白日暮緩轡閒游御苑春
我昔去京謂旋復一卧草堂困未足文章不合為時用
蹭蹬誰能望推轂君今名齊陸士龍洛下相看爭斂容
有才勿作常何疏早晚名揚將自逢

脩真老人

山中老人鹿豕居不學訓詁身通儒
窖裏茱萸酒常滿門外簣箠竹萬餘
盤桓素履幽人吉清淨每尋開士說
也知大道爾輩能叩君一授長生訣

李奎

西湖舟中

春半出門春可憐黃鸝隔岸啼春煙
壚頭沽酒飲不醉更向西湖喚酒船
葡萄荔枝酒色紅銀缸金碗須臾空
但令一醉卧明月莫使醒眼看春風
鳳凰山頭春草綠金牛湖上花成簇
日落歌聲水面來畫欄笑倚人如玉

張元凱

東覽篇

出門鮮徒侶看山過東越身披荷芰衣
來渡琅玕筏會稽之郡藏雲中海嶽靈
區第幾峯千巖萬壑望不盡一秀出青
芙蓉溪流嗽石噴晴雪山水清音相映
發林間吹落蘭亭風松下飛來鏡湖月
石暗花迷失去津禽

魚鳥獸能相親崢泓蕭瑟不可測此中疑有箕山人蒼
旻為棟雲為幕禹穴幽奇可棲託絕壁巒岒嘯夜猿逍
遙夢見騎黃鶴清晨晞髮凌高臺風吹飛花去復來旭
日如珠走滄海赤霞為駕驅天台方丈蓬萊今可至居
然便有凌雲思金宮銀闕何必求一丘一壑隨吾志君
不見東山高卧支許從揮塵玄言若可終又不見芳辰
被禊臨清池茂林脩竹堪忘機謝公勉為蒼生出十年
間却登山屐右軍自失王藍田歸來誓墓意惘然二賢
信是人中龍霖雨當時仰望同考槃一室已千載至今
林下生清風偶然得失未忘念令人却羨雙冥鴻

寒食限韻作

闔閭風土不禁火綠水城邊碧油舸屢逢蹴踘踏花茵
時見鞦韆亂雲朶金蓮點點步底生鴛鴦彩彩纏頭鞦
越女曾為吳館娃周郎只合留江左前溪桃樹隔垂楊
鬢髻紅妝隱青瑣

楓橋與送者別

楓橋秋水綠無涯楓葉滿樹紅於花萬里之行纔十里
闔閭城頭尚堪指遊子尊前淚濕衣離心已逐片帆飛
酒酣不識身為客意欲元同送者歸

揚州春眺即事

紫夾村邊揚子灣黃公壚頭使者關舟楫遠通淮北水
樓臺近見江南山高岡百尺臨官渡浮煙不盡斜陽暮

前朝楊柳幾株存寒鴉飛盡蕪城路
客堂秋夕黃公齋

高梧百尺入雲涼清水一池生月光
秋夜初長客不寐
坐聽砧聲思故鄉明河展轉天欲曙
寒蟬唧唧猶自語
挈衣起寫故鄉書明日關河鴈南去

新豐主人

新豐主人邯鄲婦依然賣酒三河口
芬芳芍藥氣如蘭
澉豔葡萄綠於柳東風日日飛輕塵
遊子年年只問津
遲迴立馬門前客曾是壚頭醉卧人

陳第

見楊花

燕山三月飛楊花滿天白雪隨風斜
客子出門已十載
飄零感此思回家楊花飛自好客愁不可道
歲歲楊花
飛飛盡春光老春光迅速若轉蓬
丈夫建樹難爲功李
廣不侯馬援謗至今慨歎傷英雄
徒拂抑鬚華
忽似楊花色不如匣劍歸去來
南山之南北山北

呂時臣

李太常伯華江上草堂雪夜出妓彈琵琶

北風吹雪晝易昏樹深竹密江上村
紅燈照席不知夜
忽有遠客驚叩門繫馬登堂不問姓
不顧傍人即坐定
座中舉目皆英豪主人呼出鄭櫻桃
紅絲裊地毵毵煖
簾額紛香落鳳毛大小忽雷手中出
須臾翻作鬱輪袍

徐選則言
光
媚臉斜凝新病眼一曲低迴黃金槽衆客聞之各掩淚
潏湯此夜我先醉天涯海角同此心古人意氣輕黃金
弊然上馬出門去酒酣寒極天將曙不願與人明坐衣

鄭若庸

秋涉

蒼山崔巍照秋渚紅樹離離夕陽渡行人涉水更看山
馬足凌兢來復去雲際人家望欲迷松關蘿徑隔煙扉
山僧卧穩西巖寺時有鐘聲落翠微

徐渭

八月十五日映江樓觀潮次黃戶部

魚鱗金甲屯牙帳翻身却指潮頭上秋風吹雪下江門

萬里瓊花捲層浪傳道吳王渡越時三千強弩射潮低
今朝廷上看傳令暫放胥濤掣水犀

述夢

伯勞打始開燕子留不住今夕夢中來何似當初不飛
去憐羈雄嗤惡侶兩意茫茫墜曉煙門外烏啼淚如雨

畫鷹

閩南縞練光浮膩傳真誰寫蒼厓鷺生相由來不附人
綠鞵空著將軍臂八月九月原草稀百鳥高高兔走肥
煙中斂翼遠不下節短暗合孫吳機此時一中貴快意
深杯燕雀何須避惟將搏擊應涼風誰貪飽臠矜山雉
昨見少年向南市買鷹欲放平原轡凡才側目飽人餒

徐選明言 卷四
不似畫中有神氣夜來鴟梟作精魅安得放此向人世
秋風一試刀稜翅

贈歌者

東風吹雨楊花落清歌細遶鳴鐘閣斗酒將傾客不來
白日斜飛晚雲薄回腰欲舞不得舞試買羅衫倩誰估
十六夜踏燈與璩仲玉王新甫飲於大中橋之

西樓

樹枝畫月千條絃十五不圓十六圓挂向酒樓簷外邊
南市好燈值底錢大中橋上遊人坐不飲空教今夜過
紅脂在口香在樓那能一個到壚頭青衫白馬無聊甚
望斷黃金小鈿鞦

琴高圖爲李勳衛賦

天上神仙塞紫虛人間毛穎不勝書乍聞弄玉騎青鳳
又見琴高跨赤魚千年古素粘蝴蝶蒼濤高處擎紅頰
不知儂是畫中人欲請波臣後鱗鬣

雪中騎驢訪某道人於觀追憶曩日棲霞之約

昨日雪深驢沒蹄今日雪晴驢可騎此時去訪楊道士
青天猶壓楊花垂太平門外雖多景莫妙梅花水清冷
棲霞有約不得行孤負千峯老鴉頸

萬里比鄰篇贈嘉則

白滕織笈春花密青袍剪水波紋濕出門寸步即天涯
幃底牽衣絃正急關山斷路不斷雲吳刀割水那得分

御選明言 卷四
章華楊柳弄舊色何地却少春申君人生遠遊須及春
青大能容七尺身芳草長途去萬里望望吾家隨處是

六月七日之夕與梅君客生及諸鄉里趁涼於
長安街醉而稱韻得片字

長安白苧風吹斷銀河瑟瑟難成片楚人慣自唱陽春
一曲未終人已散西內湖荷沒鶴長裁笛不得只聞香
東方萬瓦寒樓閣月照金鳩琥珀黃

楊妃春睡圖

守宮夜落胭脂臂玉堦草色蜻蜓醉花氣隨風出御牆
無人知道楊妃睡阜紗帳底絳羅委一團紅玉沉秋水
畫裏猶能動世人何怪當年走天子欲呼與語不得起

走向屏西打鸚鵡爲問華清日影斜夢裏曾飛何處雨

沈明臣

遊張公洞

昨日遊善卷已謂天下無山川今遊張公洞千驚萬怪
疑爲夢嗟我壯心欲與山爭雄大肆筆力天無功乃今
欲著一語不可得始知天地之勝唯有茲山鍾我昔探
禹穴又曾躡武夷武夷峻削禹穴古那如此洞幽而奇
張道陵奈爾何何年到此騎青騾我今呼爾問踪跡爾
云人間爾誰識丹鑪無火石牀寒唯有空山萬拳石萬
卷之石何疊疊幻形變態將胡爲造物無以顯靈異故
此劇戲令人疑山靈欲閔閔不得天公爲之驅霹靂一

斧劈破神鬼愁遂令萬古青霞圻巨闕前開後通竇暗
中一線青天漏離奇鬼怪萬狀陳寶藏龍宮與天鬪兩
崖欹仄愁攀援側身却走脚在肩豁訝崢嶸亂撐拄把
炬自照行難前石色黝然堆古漆膩滑十步九步失乍
驚墮落千仞坑又詫飛騰九天窟燎滅燈昏只尺迷萬
轉千盤無路出丹砂夜照鬼燈紅自有乾坤無白日劃
然一隙通天明羅列萬戶排層城頓足大叫舌不縮是
誰槌碎瓊樓傾長廊飛來駕巨壑修簷掀突欹朱楹橫
撐直豎互糾結纏綿雜沓皆相成玉柱隨地不到尺瑤
棟插天懸半壁寂若閒門閉落花鬧如綺戶迎仙客險
逼重關鎮華夷嚴同帥府森戈戟石乳綠結千年苔又

如五色蓮花開佛手拏雲不可摘玉芽迸筍何人裁蜂
房簇擁參差向短者五尺長者丈低張白玉雲母屏高
擎素錦芙蓉幃盤盃積水寒玉膏掬之洗眼明秋毫恨
無金丹鍊紫石出門空歎朱顏凋吁嗟乎平生之性嗜
登陟茲遊信足償吾癖一挂萬漏不敢辭聊著狂言作
遊籍只恐五嶽之高徒在青雲中猛然欲去無長風不
如坐石投壺喚玉女把酒一醉酬張公

嘉靖丁巳六月十七夜七里灘口待月

夜宿七里灘頭船起來待月船頭坐月隱山雲黑不開
江搖赤壁石欲墮須臾月來江水白萬頃琉璃堆碧色
垂竿欲釣珊瑚珠客星合照初來客初來客願未果重

來看月何時可秋潭再鼓東歸柁

吳中客

吳花吳草愁春煙茫茫白日迷青天
天涯有客不歸去
水流腸斷春江前
春江水流不復返
明日客歸猶未晚

送謝生斯立遊金陵

昔年曾醉金陵酒
尚憶烏啼白門柳
美人一別三五春
腸斷東風幾回首
送君西遊何時還
君家自有謝公山
白雲明月不可問
悵望桃花空玉顏

鯉浦村

鯉浦村頭候風色
青晨起立日欲昃
沙前煙草綠茫茫
塘上野花紅摘摘
風將作浪山氣昏
日未當空海光黑

滿天客愁破不得何當飲酒盡一石

姚咨

送施武陵赴選銓部

壯年讀書富文藻
海內才名似君少
蹉跎老大尚青袍
未解謀生獨聞道
負郭曾無二頃田
荒扉日掩生秋草
幸逢聖世急徵賢
忍甘蹭蹬終懷寶
長河流漸歲華晚
高風落木寒原曉
旅行千里勿復憂
都門豈乏同心好
君不見馬周五十
遇常何一朝穎脫
風塵表

牟嘉叙

送馬斗南歸揚州

去年九月黃花秋
邂逅與子城南遊
高才磊落不易得

竟日尊酒情淹留三年爲客風塵裏末路相逢即知己
禹穴探幽興未窮梁園作賦詞堪擬一別嗟余還故丘
門君亦欲尋歸舟萍蓬踪跡本無定使我感慨增離憂
一片孤帆向何處日落雲橫廣陵樹天姥峰前送月明
姑蘇臺畔聽鴻度江煙慘澹江草青衆賓沽酒雙玉餅
別君惆悵不忍去碧雲回首天冥冥

唐詩

贈張汝濟

楚客重山雞愛此錦羽衣雙目炫生花自謂希世奇野
人寶燕石珍藏至什襲蘊匱待沽諸妄意千金直張君
績學惜未遇紛紛薄俗輕相棄却騁鉛刀試一割那識

干將新淬厲我知靈鳳備九苞瑞世豈徒五采毛我知
璞玉重萬鎰良工琢成貴有德他年識者定是非嗟彼
山雞與燕石

岳岱

贈程自邑

天都山人與我別遙指荆襄鼓蘭楫訪古直上黃花川
思歸嬾出明月峽吳苑逢君碧草春竹林高卧少情親
平生惟有三杯酒十載重看萬里人

陸九州

王荆溪

東風靜卷游絲長桃花吹落流水香美人照水芙蓉裳

蘭橈玉腕擊波去欲來不來空斷腸

王叔承

上巳日吳野人烹鱉及吳化父兄弟宴集

前溪雨足溪水新夜漲桃花三尺春三月三日日初麗
浮玉流觴驕醉人偶過楊柳橋西宅魚罾鱉斷當門立
船頭活蟹紫堪擊重欲滿斤闊逾尺主人藏蟹真得宜
急流之下青籠垂日飼稻子數百穗楓落直過桃花時
蜀椒吳鹽落碓細寶刀香膩春葱絲雄者白肪白于玉
圓臍剖出黃金脂主人有鱉不賣錢但逢嘉客留斟酌
持螯豈慕尚方珍長對杜康呼郭索

仲昭約明歲遊天台雁蕩先以逍遙衣見贈作

張公善權二洞歌酬之

范生有約登翠微天台雁蕩余當歸山中鶴翎隨仙斃
秋風贈我逍遙衣衣作逍遙游歌酬縹緲句江帆昨泛
東西九洞府微茫在煙樹張公騎驢出溟渤青山迸作
神仙宅幽徑杳相迷巔崖嶮如齮七日混沌開千年人
世隔一竅深懸窈窕天萬奇亂鬪玲瓏石藥田丹竈苔
花深石牀冷卧閒雲白西峰玉女歡相招采芝濯足春
潭碧人生有足何輕棄要與乾坤覓靈異放歌醉踏荆
溪船乘興還遊善卷寺礪飛白霧蛟龍巢柱燒玄火雷
霆字探地窟凌穹蒼徘徊兩洞百骸顛狂秀乳結丹碧
寶玉揚輝光下有千丈差我之絕壑鳴泉百道爭赴兮

徐邊日言 卷四
忽如漢兵十萬走趙壁上有瞰空倚天之陡巖豁訝而
陰森兮恍如層宮複道秦阿房老蝠爲仙石爲燕山靈
玉手褰衣裳野人衣袂煙霞結勝遊瑰瑋憑誰泄苔川
小范同我袍白縑裁寄湖州雪幽盟更訂琅玕竹得吳
望越心難足劉郎夢落赤城梁謝生詩映龍湫瀑草鞵
布鞵枯木瓢身騎鳳凰吹紫簫武林二月桃花雨月明
夜渡錢塘潮

自錢塘由富春桐江抵七里灘同范仲昭

鳴榔曉發錢塘江波開綠酒浮春缸江風吹帆三百里
青山片片隨船窗山頭挂天根插水兩岸陰森那可已
游郎如坐綵雲來人家盡住瑤屏裏三江煙樹嗟空闊
誰道龍中更奇絕陡巖嵐翠寒撲肌拂手藤花灑香雪
荆扉女兒揚茜裙映柳窺人半明滅山村酒價不用錢
笑減青粳沽竹葉風波相遇皆行邁死生肯付乾坤外
采芝昨上桐君廬占星又宿嚴陵瀨

題陳從訓所藏惠崇溪山春霽圖卷

惠崇一詩僧宋首柴周尾丹青入禪觀別自通玄理能
於尺素間點染千山水昨登金焦興不孤陳郎示我溪
山圖畫家精工多近俗寫意得神形不足此僧妙趣種
種兼不滿三尺吳興縑針頭毫末密相接有如螭螟寄
蚊睫或言工勝趙大年又云妙超展子虔只須三日坐
其下一花一草生意全乃知陳郎揮灑信有本恥與當

顧大典一首

劉虞夔一首

馮時可一首

李應徵一首

姚舜牧二首

游朴一首

陶允宜二首

馮琦二首

鄒元標一首

馮大受二首

龍膺一首

後漢書 卷四十一 目錄

屠隆一首

余寅一首

楊于庭二首

張萱一首

方應選一首

湯顯祖四首

袁宏道四首

袁中道一首

劉黃裳一首

王嘉謨二首

沈瓚二首

焦竑一首

陶望齡五首

陸彥章一首

黃輝二首

吳正志三首

李日華一首

謝肇淛一首

鄧原岳一首

陳薦夫三首

王維儉一首

曹學佺二首

陳邦瞻二首

袁世振一首

范鳳翼一首

阮自華二首

尹伸一首

王衡二首

公鶴一首

劉宗周一首

孫光裕一首

經史論一首

隱居風一首

公孫志一首

王濬二首

吳中一首

劉自華二首

策鳳翼二首

素世琳一首

刺特觀二首

御選明詩卷第四十七 坐位辭 吳越 齊魯 閩楚 秦之 臨天

御七言古詩十二 蘇長策 策中典 典中典 典中典 典中典

根黃德水 亦顯 顯土雲 土亦白 白顯 顯入亦不 不亦

今日 賣花篇 水營 營黑 黑顯 顯不 不亦 亦不 不亦

日南氣候天下奇 四序皆如三月時 豳風漫賦為裘什

越俗空傳采葛詩 泉甘土沃山川美 長日花開爛於綺

不論秋去有蘭蓀 寧獨春來盛桃李 初景曛曛萬戶開

熨童絡繹賣花來 一筐新蕊朝纔摘 數種奇葩歲自栽

曲房小閣開妝篋 紫貝青蚨走輕屨 若箇簾前非墮英

誰家門外無殘葉 參珠間玉鬪光輝 踏青拾翠弄芳菲

花房賸有瑤臺露 滴盡儂家金縷衣

王穉登

觀潮

丙辰閏七月初吉孟瀆江邊潮水赤寒波帶雨打空城
高浪如山排巨石山田旱爍不可救山人荷鋤惟種荳
游魚忽入荳花中江裏龜鼉近人吼隔岸不聞雞犬聲
前邨盡說蛟龍鬪白頭田父向人語不見江潮大如許
門前堤上種柳樹潮痕深淺能記取去年堤石未沉沙
今日柳枝齊拂水蒼煙黑霧黯不收吁嗟身世如浮漚
牀頭水鳴得赤鯉檻上雲生飛白鷗臥植人力不可運
眼中倏忽隨波流漁舟葉葉爭鼎沸踏浪高歌似平地
北客初聞忽膽驚南人坐對猶兒戲我聞錢塘之潮天

下無素車白馬相喧呼鐵箭如沙射江滸錢王當日真
雄圖書生白首老牖下咫尺不辨越與吳嗚呼咫尺不
辨越與吳酒酣耳熱歌烏烏不能三江即五湖轍中之
鮒胡爲乎

王還家作

游子江東倦行役還家登堂草盈尺花枝三樹四樹紅
頭髮一絲半絲白囊中猶自有殘錢盡買楊梅飽食眠
門外幸無騎馬客清香細雨佛燈前

碧雲寺月出贈朱十六短歌

燕山一片月夜照白蓮花千里萬里同爲客三人五人
齊憶家與君俱是悠悠者意氣相逢不相下平原俠士

能鬪雞邯鄲才人堪換馬明星落木亂紛紛同向山中
卧白雲秋風乍起黃花塞明月初生青草墳齊門彈瑟
相知少漢庭執戟郎官小漸離筑倚流水立干將劍上
青虹繞才子風流多落魄青樓狹邪善諧謔趙玉刻就
篋篋柱蜀繒裂作鞦韆索禪燈繡佛夜厭厭半醉能歌
阿鵲鹽朱公大笑黃金盡三十青衫一孝廉

王逢年

送盛仲交還秣陵

盛生東出關白下桃花滿相逢南陽田日寄孤雲遠君
歸江國正鳴鳩草綠空磯燕子愁與爾期登雨花閣六
朝何處楚江流

李維楨

沈啓南畫松贈關中李尚書今歸李司徒歌紀

啓南畫松百年矣黛色霜皮煙霧起所贈尚書無姓名
但道其人關中耳關中今者李尚書古人與稽今人居
畫手通神神呵護宛在李公讀書處人間世有前後身
後身往往前身因事皆天定良非偶物由人重名不朽
司徒磊砢任棟梁此物居然丁固夢李下有仙松有公
千秋氣韻同生動

黃鳳翔

西湖遇雨

御選明言 卷四十一
投鞭辭却垂楊路 簫鼓樓船天將暮 緩棹疎簾倚芰荷
清觴豔曲馴鷗鷺 水底馮夷喜欲迎 津頭宓妃遙相顧
澹蕩初颺少女風 蒼茫忽擁藥巴霧 四野湖騰急雨來
中流欸乃奔濤怒 渺渺長湖鷁退飛 紛紛小艇人爭渡
自笑生平樂事稀 懽娛此日亦堪妒 何須秉燭窮夜遊
停橈且向空江住
其平望舟中
擿鼓喧闐催曉發 蒼茫一水分吳越 雲帆搖曳競呼風
綺幕高攀猶見月 江干漁父正高眠 垂柳如絲繫釣船
昨夜得魚兼換酒 舉杯一醉問青天 錦衣鼎食非吾事
明月清風若箇邊

且與翁涪江秋泛

秋江雨過氣蕭爽 買棹夷猶成獨往 鷗鷺高眠芳草洲
鰕鱸紛入漁人網 一聲斷鴈涼飈來 十里平疇皎月上
瀛海潮生騰碧濤 陰崖木落振清響 亂流駕浪時張帆
避石穿橋力蕩槳 浮白懽呼拚醉歸 擿歌互答愜心賞
請君莫羨三島游 老我今爲五湖長

王家屏

恭題文皇帝四駿圖

錄二首

赤兔

白溝河大戰胸著一箭
都指揮亞失帖木拔箭

雷錮錮北軍來赤兔走 黃雲開攬身超夾澗策足絕浮
埃白溝原頭振鞞鼓 貫陳穿營猛如虎 穆王八駿詎爲

御選明言 卷四
奇昭陵六馬應難數百戰間關未解鞍箭瘢還向畫圖
看只今四海昇平日誰識當年締造難

黃馬

靈璧縣大戰後右曲池
著一箭指揮雞兒拔箭

軒后興應龍翔駕天駟乘飛黃迴頭看紫燕顧影失超
光君王神武古來少萬里煙塵一劍掃馬蹄蹴處山爲
摧何論陳暉與平保揚鞭渡淮淮水清金陵父老壺漿
迎從此華陽休駿足山河重整泰階平

沈一貫

寄贈俞士行淮上治漕

葡萄邸前春雨多典客館下牽六騾將軍抱持貔虎略
且與鼉鼉爭水波江河之決雖天事支祈安得稱非崇

飲飛劍出江水渾浪拍芙蓉茜花細西來一線垂青天
天下車輪集似煙朝廷盡食司空力大農歲省鐘官錢
淮陰方知治粟尉高壇何日飛旌旃

送客還山

新荷夜捲梨花雨青山倒浸琵琶渚新裁荷服雅稱身
著入池中不知所牀頭黃石讀已盡尚餘一卷金仙語
施之人間無所用挾向松林避煩暑林中月出遲漁郎
嶺上茶生期姹女鄉音啞啞可憐生賤却清官激梁楚

君房棲玄館

荼蘼曉泛東風騫青蘿夜入棠梨軒鷓鴣雞咽咽相喚去
印破西池碧玉痕棲玄主人貪晏起片雲忽墮江城午

吾知桃花終不言何用欣欣解人語

于慎行

雪後登樓看山

昨朝飛雪滿大荒登樓四顧天茫茫今朝登樓禁不得
吾與青山頭並白筠牀呼酒晶宇開瑤華積作中天臺
對山遙勸一杯酒平生與君為素友君今頭白青有時
奈何吾鬢終成絲

范謙

壺公山

我聞壺公仙山天下奇俯窺碧海波琉璃東西日月兩
明鏡挂在扶桑若木之高枝壺中仙翁握真寶手搏日

月自顛倒杖頭更覺天地寬萬壑千巖恣幽討

顧大典

茗溪春日

茗溪春深春欲歸柳絲拂地梨花飛客子辭家已三月
春風初換越羅衣羅衣競試春江曲花外鶯聲斷還續
春心羈思兩相催愁見天涯春草綠春草年年伴客程
扁舟明日又孤征故園回首春雲隔江上春風空復情

劉虞夔

苦熱

燕山虛傳千丈雪昔乃苦寒今苦熱苦寒尚可禦苦熱
安所逃寒有重裘奧室足自庇熱雖袒裼心煩勞炎風

御選明言 卷四
吹埃沸四野火雲布空日如赭長安袞袞車馬塵驅馳
道路何爲者吾思仙人乃在閬風岑水晶宮闕琪樹林
安得從之御風吟攬子之袖開我襟念此已足清人心
吁嗟炎蒸三伏無歲無發狂大叫胡爲乎

馮時可

燕中感興

秋風蕭瑟吐清商寒蟬收聲獨鳥翔天低野曠莽蒼蒼
黃塵眯目露沾裳之子去兮遠于將載馳載驅道阻長
瞻望弗及聊相羊羈旅無儔中自傷歸來沽酒酌空房
孤燈隱幔曖無光追思夙昔共衾牀歡娛綢繆夜未央
胡爲棄我天一方心賞相違淚成行蘭橈桂棹文荔檣

乘飈汎汎水雲鄉君若九春我秋霜安得奮飛集君傍
開筇贈君雙琮璜約如丹青世毋忘

李應徵

長水雨中送董君謨還四明

谿雲壓林林氣黑長河黯澹無顏色大扁驅來笠澤風
一片歸帆雨中濕送君此去歸舊山東湖之水流潺湲
四明崇峰二百八一一峰尖如黛鬢董生瀟灑磊落之
才亦如此對此可以開神顏我歌四明送君酒何惜相
逢暫攜手便應喚汝董糟丘酒池之中可拍浮盡埽爾
我坎坷抑塞之窮愁丈夫意氣自有主爲龍爲蛇何足
數無錢但須典鷓鴣有酒便能賦鸚鵡少年得意多擲

揄却笑乃公爾何苦仰天大叫白日徂腐鼠那敢驚鷓
雛男兒世間何事不可作但不能以此七尺為侏儒功
名富貴可以赤手博摧眉俛首胡為乎世人聞之皆掩
耳董生之前可語此酒闌歌罷君發船我亦還家渡長
水

姚舜牧

漁樵耕讀 錄二首

漁

孤篷移向蘆洲歇不問瀟湘與溟渤悠然濯足自在流
一聲吹上東山月

樵

腰鎌獨向山中劈擔荷薪枝日將夕青松林下且息肩
坐看一派寒流碧

游朴

崇寧縣却酒

崇寧清酒如鬱金主人長跪留客斟客行欲飲迫程限
不飲傷此主人心春花爛漫遍山壑把酒澆花殊不惡
客還有酒應留連只恐山花已零落

陶允宜

蘄簞

簞出蘄州世所無五月六月繩牀鋪恍坐水閣眠冰壺
皇都炎熱逾江湖貴臣催簞如催租民情誰語州大夫

千年龜小象圍棋其甲翠綠毛毯
置之盆水生漣漪蚊蠅遠避塵
自離壁頭蛇足兒曹嬉不飲
不食長如斯求之艱難誰得之

馮琦

題沈翁畫竹

何人寫此青琅玕滿堂蕭爽生
秋寒居然坐我三徑下數莖不
動風珊珊柏溪先生隱於酒戲
拈秃筆如揮帚一幅淋漓竹亦
醉醉竹合與先生友轟轟三株
狀殊絕迥若蒼虬立煙雪別有
一枝秀且長青鸞整翮從風翔
葛陂化龍去已久至今屏障生
輝光我觀此圖懷耿耿

墨花亂落團圞影素節偏宜君子
堂虛中獨立尚書省尚書華省鳳
池隅新長孫枝引鳳雛夔龍禮樂
方大備伶倫之管公所須此君安
可一日無

送伯楨侍御之川中憲副

間何闊逢諸葛行且止避御史御
史今年三十幾鷹繡翩翩帶金紫
聖主真憂萬里外使君建節三巴
裏刑天舞干亦自豪精衛填海空
復勞黃河懸水三千仞呼風亂度
難容舫嗟嗟王郎汝何往古來得
失如反掌長安大路多摧輪況乃
蜀道青冥上蜀道之難難於天不
如歸問桑麻田振衣獨上三峰顛
塵埃野馬何茫然君不見鴈門菟
郡伊與鹿南陽畫諾亦見逐世間
萬事誰能

卜汝為遠臣恩已足

鄒元標

平原菴僧索詩

平原何代觀音堂羣峰轟轟雲蒼蒼此地故多旅遊者
歸來下馬亦清涼菴中老僧百不理偶挈沙彌來聚止
危樓高度貝葉經憑闌倍覺香風起疋馬青衫憶昔年
斜風細雨寺門前荏苒韶光數十載題詩回首倍悽然

馮大受

壽皇甫司勳

酌公金莖九霞之玉醴獻公霓裳五色之緋袍贈公長
房二龍之竹杖啖公玄圃千年之靈桃公能侶天倪守

天弢黃山白岳饒勝致銀箏翠管環薛濤一官不笑曼
容拙五言偏稱長城高左錦囊右盧敖酒中聖詩中豪
先生之樂其陶陶今年八十當一籌籌漆海屋長滔滔

武林山水

十年夢作西湖遊今日還浮湖上舟湧金門外橫塘路
數里垂楊鎖玉樓樓前流水朝朝綠湖光片片搖寒玉
風中不斷藕花香煙外微聞采菱曲畫船簫鼓載紅妝
楓葉蘆花映夕陽孤山鶴去亭猶在太守堤存柳半黃
岳王祠畔西陵路天矯長松不知數青天晝接兩高雲
紫氣夜通天竺雨靈隱峰頭月漸高羅刹江邊正暮潮
望窮匹練騰滄海坐久天香落錦袍江山萬壘紛繚繞

煙光倏忽迷昏曉默存恍在化人都憑虛何必蓬萊島
便欲移家住此間浮槎載酒日看山不應世諦猶相戀
愁絕題詩醉裏還

龍膺

贈馮定菴大參分藩衡永長句

男兒生不逢辰委山澤濁流皮相苦侵迫汗蠖難容橫
海鱗冥飛甘鍛凌霄翮衆醉人翻嫉屈醒守玄世顧嘲
揚白畏景飈馳歲月新塵情波詭乾坤窄褰裳肯類跋
狼胡泣璞從渠猜鼠腊已分干旄避吾門更嗟剡牘削
予跡裹足寧爲巖穴逃息心迴與市朝隔芰荷置就束
緋袍竹籜裁將拋墨幘坐擁圖書抵百城友依洞壑投

三益拓落餘生祇自憐摧殘此道憑誰惜何期持節大
馮君生平愛士真成癖翩翩騷雅領蘭臺矯矯神仙下
桐柏兩朝藻潤獨昂藏八極蒼茫恣揮斥其如灾沴咨
游饑宛切痾瘵視由溺星急爰書手抹批雲蒸畚鍤躬
經畫永賴陂渠頌白公于蕃疆土歌申伯每矜苦海作
津梁夙歷羶鄉茹冰蘖四方負笈無乃繁日荅百函亦
何劇高義傾囊急友生虛懷倒屣迎逢掖折簡親揮孔
闓文題封廣置鄭莊驛垂橐惟餘賣賦錢減騶間命登
山屐遂勤物色到煙霞幸奉儀型侍朝夕寸札飛來耀
吉光片辭吐出滋丹液詣許嘗停劉尹車見歆數改幼
輿席不厭詼談樹齒頰最憐慷慨披肝膈柳浪過詢繡

佛廬花邨載款漁仙柵嘯咏風迴萬壑清軒渠日射千
山碧試拂珠巖讀斷碑聊參玉版炊香積穆穆情知霧
隱宜悠悠心與天游適來狎鷗魚暫主盟去愁猿鶴長
離索忽聞新命紫薇堂恰羨仍通羣玉籍探奇好訪愚
公谿乘暇還尋漫郎宅轂推方朔善察眉冠彈貢禹喜
加額拭目文章遍斗南翹首卿雲去天尺開府樓階若
箇登平津閣許何時闢徒懷杜母語不休欲借寇君歎
無筴祖餞惟斟丹井泉壓船擬贈青溪石言將汗漫遊
朱陵公爲地主予散客直欲遍擊七十二芙蓉閉困煩
呼巨靈擘月白瀟湘一鴈迴天柱峰頭挾雙鳥

屠隆

閨情

昨日別君楊柳濃今朝悵望櫻桃紅青驄去何在只在
平蕪外春風自煖妾自寒鄰女相過掩淚看日長草綠
嬌黃蝶宛轉啼鶻隔花葉不能飛去喚郎歸何用朝朝
啼向妾

余寅

飛雪洞爲程無過太學賦
正月柳條赤二月柳苞拆三月柳絮飛須臾亂如雪殷
雲杲日何續紛綠雨蒼煙乍消歇空憐芳澤長自有寧
信韶光不相守伯勞卷舌哀鴈鳴昨看如雪今如帚如
雪猶且可如帚將奈何暫時豪健誰最別滿目繁華誰

最多一笑把君青玉笋與君大醉柳樹下
蘇目潔甚
計清揚于庭

題吳翁畫竹

丈人手持一幅竹墨素淋漓筆花秃蕭颯如聞風雨來
琅玕似待鸞凰宿此翁清節亦不羣直如此竹高出雲
歲寒雨雪但僵卧何可一日無此君

春野耕煙畫

筆花貌得春畦好煙雨冥冥暗層島樹底微茫見茅屋
隔邨野人自驅犢遠勢更著扁舟人疑是桃源來避秦
我亦春煙問津叟不知身在圖畫否

張萱詩

茱萸灣懷古

茱萸灣頭蘆荻花秋風高日蒸紅霞夜深打鼓負鹽去
潮平軋軋鳴歸槎竹西歌吹杳何許垂楊兩岸黯不語
一聲江笛叫江樓劃斷寒雲不知處

方應選

婁水道中送徐孟孺遊西湖

天空露冷蕪葭白淡月籠沙秋一碧夜深微語破鴻濛
知君賸有煙蘿癖今朝共醉婁水船明朝還著武陵屐
武陵之勝何處尋蒼茫萬頃桃花深南高北高青不斷
湖光山色遙相侵有時扶筇嘯絕頂忽復抱琴雲水陰
乘興往還無不可借此一舒廓落心吁嗟乎香山白社

御選明言 卷四
空塵土西陵紅粉銷煙雨千秋佳事至今傳三竺六橋
竟誰主依稀記得客游年片片紅霞落塵尾兩湖香靄
夢見之平分風月今有汝
湯顯祖
夜聽鄧孺孝說山水
終日他鄉作遊子到處不曾離屋底鄧生爾時何許來
罷酒彈燈說山水君家最近三茅君我家慣看壚峰雲
山水眼前人不住遙山遠水復何云

重過石城埭
石城二十四花樓江南置酒飛花愁在處臙脂久零落
不知冠蓋能風流拾翠江邊猶記否含笑含嚔送君酒

滿目秋光無盡時自折蓮塘花下藕

送內方山人還天台

滄海冥冥吹遠松青霞片片生殘峰括山一萬六千丈
山人一室蔥翠濃南連委羽紛靈聖金芝翠籥玲瓏映
四明雲日自開窗五縣山川若搖鏡山人原合住山間
每怪山人不住山我夢天台無羽翼空歌積雪送君還

萬州藤障子

劒門藤絲如髮細織作爭先出新意十二雲屏海上來
平波瑩熨瀟湘字纖纖閨指直絕奇闐花側葉鳳交嬉
高吹海色障風日遙憶煙蘿擺月時

袁宏道

和小修

薊州新酒白石缸空雲影澄鴨頭江露梢千縷撲斜窗
黃笙藤枕夢吳艤葛締小眼如雲涼星河放教萬尺長

和東坡聚星堂韻

凍鳥無語僵寒葉曉起漫塔五尺雪穿簾撲幔綴風斜
楯碧紗紅景幽絕鑪膏乍澀紫絨生研冷煤枯霜穎折
千梢擺壓鳳翅垂萬瓦齊鋪魚鱗滅近墻老鵠不知人
却立蕤氈如被掣月團三百沸温瓶盈碗漚花瀉文纈
高禪滿坐瓊瑜牀佳言衝口梅檀屑楊岐偈子再三題
龐老機鋒時一瞥東坡先生寫雪真不用煩言與喻說
杜老梅花詩亦然廣平空有心如鐵

瀑布

寒空日夜摩幽綠霧縠龍綃披幾束銀灣截斷牽牛人
鞭起眠龍駕天轂帝宮酒暖澆愁春雲汁茫茫瀉清淥
夜寒霜重玉女驕袖裏金匱向地覆湘娥手挈瀟湘來
雪魄雲魂鬪不足炎官不到落星城六月人間呵凍玉

雲起樓為徹如賦

白雲縹緲如仙客只在軒前人不識高人與雲若故知
近固追隨遠亦得鬢鬢人物偶爾成豈有神情與香色
泊然一以氣類從如磁與鐵自相即主人玉女潭邊住
樓居正直高崖處赤闌翠竹與山平便是孤雲來去路
朝隨馬跡渡頭風暮宿罨畫溪上樹雲邪君邪遞為主

御選明詩 卷五
茶煙濕處飛泉怒雨中自有徐熙山秋來忽遇王維句
只今長安浩浩塵雲亦隨君馬上去西山逼眼萬螺青
是中應有雲流寓東華舉首即重霄垂天漠漠如飛絮
袁中道

麻城道中二首

天雨乍霽雲乍拆馬首諸山齊獻碧翠嶂突兀何處峰
淡雅鮮妍可憐色長塗遥遥無止息北風夜起轉愁絕
馬鈴當當送殘日烏鴉千點古墳側我有新愁寫不得
山骨鱗鱗忽起脊中間尺餘馬蹄跡只道山石碎馬蹄
誰知馬蹄能穿石莫言此石太辛苦南山石闕北邙土
石深一寸土無數馬上兒郎方笑語

劉黃裳

題小李將軍畫

畫山何得用金碧小李將軍創其跡近來僅數仇十洲
筆法雖工損氣格當年傳說文皇時陰山之傍陳六師
連峰疊嶂出大漠金碧照面光參差馬上大叫龍顏喜
世間山色無如此天開圖畫北海間小李將軍筆法是
乃知將軍之畫有所傳即如此幅何工妍瑋樓翠閣空
中懸綠松片片龍鱗然將軍逝後八百年猶有生氣飛
紫煙堂中風吹山欲動耳邊飛濤鳴濺濺樓中之仙身
似鶴珊瑚鈎卷明珠箔蓬島能移席上開雲霞攬取尊
前落鄭生才高類此峰相邀把酒弄山松披襟若坐翠

山裏海上羣仙爾定逢

王嘉謨

夏日遊張內史園飲酒醉臥既寤日已夕矣偶題口號

空園花色暗雲卧不知醒松風灑面忽驚起夕陽照見
西山亭遙看羣鳥飛孤嶼無數蟬聲弔殘暑解醒何惜
整新杯散髮行吟自歸去

雜興寄山中

十丈垂柳枝拂地連城豐草鶯啼亂空山一望少人行
潭水虛舟自艤岸山中伴侶久沉淪奔走風塵媿此身
山人定自長相憶山鳥何時不向人

沈瓚

春夜篇

春江豔豔東流水江上徐看月輪起天末青山隱若屏
搖金疊翠波光裏波光斜映復斜飛何處無茲明月輝
既看北里青絲騎復照南城錦字機南城北里遙相望
皎月明燈兩相向寶樹惟懸辟惡香蘭堂半是流蘇帳
此時誰解怯春寒此際誰憐春夜闌王孫笑作金丸擲
少婦疑將玉鏡看呼酒壚頭歡未已洗妝樓上夢應殘
只聞笛裏關山月不識人間行路難深閨別有相思苦
舊歡渺若河山阻一夜煙銷鸚鵡洲三春雲斷鴛鴦浦
悞人碧草徒自芳受露紅蘭為誰吐一生一死人情見

半開半落桃花片不向青陽擬合歡直須黃土追柔豔
的的星河乍欲移沉沉明月夜何其憑將塞上春歸鴈
却寄閨中尺素辭閨中尺素何所有俛首自言離別久
賤妾羞看故苑花狂夫浪折青門柳即看花柳秋復春
那得容顏故復新錦衾剩有雙飛燕明鏡惟餘一尺塵
爲問春流幾時歇爲問春輝幾時缺今宵纔是可憐宵
此夜應名可憐月那堪寂寞可憐人況復婆娑可憐節
江水東流無盡時江月年年照離別

自東山放舟西山循巖而行影與帆上下時時
見蒼松古梅點綴林壑波光杳杳無際自辰至
午風稍橫影復參差可愛頗忘其險即事有述

洞庭春水搖煙空兩山如帶斷復通吳舫慣剪巨浪出
旭日更照疎林紅林端濛濛山翠襲細蕊喬柯爛生色
榜人歌起青蘆中山家吠犬朱櫻側迴飈送影帆容與
遠岫垂陰近峰仄由來震澤饒波浪復此春遊好風日
主人且停杯聽我尊前歌此時有酒不厭少此時看山
不厭多但得兩山長在眼那愁萬頃來風波春光可惜
渺如許卜居未定成蹉跎

焦竑

雪湖老人墨梅

湘江水落零雨絲羅浮遥遥夢難期華光一逝孤標絕
貌得寒梅第一枝肌膚綽約如冰雪翠袖輕盈弄明月

籬根竹外無人知，瘦影橫波共清絕。劉生劉生老彌壯，
半幅輕綃傳意匠。剡溪美人襟抱奇，對此悠然得真賞。
披圖颯颯生微風，春入寒巖雪漸融。恍疑身向孤山道，
十里林巒香霧中。

陶望齡

四月晦日泛若耶至雲門寺

錄五首

兩崖十里蒼筤根，中藏一溪雲日髓。嫩粉生香笋出林，
老枝壓地花成米。溪上老翁撐竹船，摘米炊枯弄清泚。
月下何人見往來，惟有山猿同坐起。結葉垂花老檜卧，
四山無風午剛挫。扳花蔭葉橋畔涼，葛屨生衣安穩坐。
田家初飽麥上場，溪雨新過水推磨。

林間起步餘睡清，青梅滿槃雀卵大。五雲山前盤古樹，
曾見前朝老謝敷。六寺鐘聲何處盡，僧殘惟有粥呼魚。
筍天已過麥地瘦，一飯山廚鮭菜無。青鞵布韉客何意，
擔水揭揭來澆蔬。夏首新熱葉氣蒸，細路危橋得幽悄。
檜樹成林已快人，況有鳴泉覆深篠。松髯石髮雅能淨，
竹穉鳥雛憐最小。何時一牀臥僧閣，飽聽凌晨醒來鳥。
雙溪港口泊幽夢，石帆山下朝炊動。荒村客到松鼠奔，
小市人喧竹排重。我生百事松上鍼，雖有寸長何所用。
石田千畝雲外閒，去采靈芝爲君種。

陸彥章

得小范吏部南中書漫成

朔風鳴枯白日晏美人遥遥隔羈宦三時望斷隴頭雲
千里書傳霜外鴈前年總轡帝京春今日停軒淮水濱
君自東西南北客輸余長作飯牛人

黃輝

送劉學式給諫赴漳州

一尊綠酒付何處東風吹來客將去不愁客路不逢春
何日重來共春住去住相看且盡杯春遊從此判醒回
眼底酒人風雨散明朝人日爲誰來

曉發巴東

霜枕邨雞兼竹雞出戶便踏三層梯沙崩橋折不可度

耐可船行當橋路下坡喚取榭葉舟捉橈推山山逆流
水急橈疎勢難上覓得枯篁才二丈船無羊耳爲誰牽
倉猝繫之槩斗邊岸轉巖傾石相戲仰看山路如篁細
灘頭白勃是平生者回始踏朝雲行那知白日高唐夢
猶帶寒江半里程

吳正志

邯鄲道中杏花盛開馬上偶成

遊子不知春色早驅車漫走邯鄲道陌上看看草色青
郊原忽覩杏花好邯鄲女兒年十五獨立花邊藝蔬圃
鳴箏在手不忍彈似識行人行路苦長安此時春正妍
上林花發豔陽天倚雲耀日織成錦占盡韶華嬌可憐

御選日言 卷五
何似牆東花片片淡妝淺抹生顧盼含露愁看出塞人
香風吹送西飛燕君不見道傍少年金鞍錦勒揚沙走
揮鞭飛矢貫新柳朝逐花間誇得意暮上樓頭醉斗酒
當年不學遊冶兒故園花鳥長相思

送王我虛道人還武當

五月寒江江水長吳雲楚樹遙相望千里青山連去路
一帆明月照霓裳惜君昔訪華陽客斗酒百篇聊自適
狂來輒欲摘星斗醉後翻嫌天地窄陽春本自和人稀
孤蹤常傍白雲飛故鄉靈境久相待一朝跨鶴竟辭歸
與君同是煙霞侶探竒每指棲真處居塵不異出塵心
忘情翻作離情語望君仙裾不可攀坐對名香日閉關

緱山何日吹笙至攜手雲中共往還

康侯叔招飲石亭是先憲副頤山翁別業

石亭山中山繞亭銅峯遠列翠微屏一澗縈迴漾清淺
數行嘉樹當階青秋清氣朗桂花落天香冉冉來虛閣
倦遊偏喜說投簪林下不愁罇寂寞高陽興盡涼景侵
臨流誰復知琴心仰天看日下深壑隔嶺如同鸞鳳吟
阮家何必論南北是處青山皆我屋徘徊顧假片石宿
佇看梅花發林麓

李日華

畫扇

春江初汎葡萄綠鷺自翻飛鷗自浴煙消月落早潮平

山影沉沉壓漁屋笑拈此景付詩翁曾向巖灘五番宿

謝肇淛

送練中丞遺裔歸家有序

自金川門之變練公子寧以御史大夫抗節死闕
下闔門荼毒獨有侍媵抱匝歲子匿民間得免展
轉入閩為人傭保六世孫綺者為新寧陳孝廉掌
書記萬曆戊戌孝廉計偕入浙有江右楊生應祥
同舟先一夕見夢練公持刺謁己心異之比入孝
廉船見書記侍側雅暫不羣指問何姓荅曰練生
心動叩之曰得非吾里練中丞後乎綺不應而涕
淚滿面生益疑駭窮詰之具得其狀亟以百金為

贖孝廉不受遣綺綺不肯行曰以死殉國人臣之
恒且九族赤矣歸將何為生益賢之歸家具白當
事者以幣來聘授以衣巾俾奉公祠官為置田廬
百畝一時聞者莫不歎息泣下以為天道有知云
燕山日黑黃塵起金川門外鼓聲死長樂宮為瓦礫場
殿庭流血成海水御史大夫練子寧手持三尺干雷霆
覆巢自分無完卵一門百口歸冥冥事去人亡二百載
蘆荻蕭蕭餘故壘長陵松柏已十圍孤臣遺骨今安在
釣龍臺下水可楫新寧城東山巖業灌園誰能識法章
傭肆猶堪藏李燮一日天迴地轉時千金購出練家兒
若敖之鬼終不餒行路聞之皆歔歔我登鍾陵山遙望

石頭城寧爲孝孺死不作陳瑛生爲君慷慨歌一曲悲
風颯颯江波綠

鄧原岳

儀真道中見桃花盛開感而賦之

偏側何偏側行盡江南又江北二月桃花爛漫開燦若
朝霞弄春色今年苦雨花較遲江北不如江南時但願
春風隨轉轂到處花開迎馬足

陳薦夫

題仕卿姪蕉雨亭

仲容入林不種竹遶砌芭蕉發春綠空庭晝靜山雨來
簌簌千聲碎寒玉清陰翳翳雨泠泠疎密同歸葉上聽

樹裏飛泉敲暗綠林間殘雪破深青新苞引翠瑩如拭
幾陣黃梅蒼欲滴微風忽送半窗涼萬斛珠璣洒空碧
夢回覆鹿不聞喧有客衝泥扣葦門相對倚闌吟思足
不同深院鎖黃昏

美人買鐵馬

明珠瑩玉垂垂結八角流蘇響淒切風前雙桂玳梁高
自有宮商按成節初聞鳴珮委清都又似飛泉點玉壺
征人曉淚霜天盡怨女秋魂夜月孤東鄰竊聽疑瑤玖
琮琤握在良工手少婦帷中溢價酬雙鬢簾下分番守
但道清和比玉揚詎知幽怨結玳瑁重門風雨孤燈暗
悔殺黃金買斷腸

梅村小牧

野水孤村梅萬樹不是尋常放牛處村中小牧異凡兒
騎牛却踏騎驢路村南梅早村北遲牛去牛來隨所之
願得花時長縱牧落梅休向笛中吹左角岐嶷挂西漢
右角彎弓束東觀扣角狂歌梅雨飛白石茫茫滿邨爛
牛背吟成香雪殘邨莊歸路出林端孤寒門向青芬發
莫比尋常牧豎看

王維儉

歲暮贈新安吳用卿

北風吹雲雲四幕歲盡窮陰苦寂寞忽聞有客來大鄣
清姿絕塵立野鶴大鄣山客性耽古開緘發篋光煜爚

夏王九牧鑄黃金大澤深山遠不若于闐鴈肪截昆吾
饕文如髮雙龍攫豐隆煽火天公下紫煙飛盡粉骨薄
錦縹細展墨花翻河東二柳燉煌索會稽內史十五字
崩崖斷石壓祕閣老夫亦出漢螭鈎海虯盤觚綠玉削
方鼎癸父隱亞文滿堂賓客起錯愕篋中寶物朽欲死
誰從柯亭裁新籥嗚呼此事真未易共君且傾銀鑿落
曹學佺

題胡可復水閣

驅車來往桃葉渡渡頭歌管喧盈路金陵惟此行樂地
可惜為官不得住我官無事長日閒之子幽期坐此間
橋上行人俱在水鏡裏嬌娥別有山幾行楊柳枝交蔭

門外鸞環碧流枕雲散仍從几席生潮來半是闌干浸
月明艇子搖雙雙兩岸人家浮玉缸有時暗泊疎簾下
見爾科頭坐北窗

雨中過柳陳父看杏花陳父時有樵李之游

君家住近瓦官寺金陵城中最僻地向來名作杏花邨
花開始有游人至此時結伴過君家歲歲年年成故事
花枝雖不用錢買濁酒應賒為客醉客醉看花倒接羅
瀟瀟微雨踏成泥枝頭莫惜終零落明日東君度浙西

陳邦瞻

賦得千山紅樹送姚園客還閩

江南九月霜暗飛秋光春色兩依稀萬樹欲丹疑濕霧

千山如醉帶斜暉畫史含情拂輕縞解作秋妍秋不老
自識晴雲慕錦林莫疑赤燒連衰草此時游客正天涯
此際離情忽憶家聽絕啼鶯嬌映綠愁看飛鷺齊落霞
聞天杳杳接江路酒罷送君從此去想得遙窺荔子丹
尚疑題葉銷魂處

七夕公讌賦得博望槎

梧桐聲脫秋聲起迢迢秋色澹如水天上佳期玉露中
人間良夜金波裏此時漢使向河源此夕乘槎犯斗垣
但驚城舍嚴官府那識天孫遇河鼓雲階月地難久留
飄然枯木復乘流歸來不問成都卜肯信身親見女牛
從此人疑有天路俱言河漢清可度帝子英靈空有人

千秋別淚自沾巾可憐匹練高樓色年年愁殺問津人

袁世振
白鷺巢松

郊齋夜午鳴惡惡雲墮風翻松子落曉看青林已白頭
一片澄湖度山幕縞衣道士愛松聲却架松枝伴月明
何事滄浪閒濯足將雛夜夜松頭宿飢不食泥中稻渴
不飲石上泉延頸佇翼向青天搖紈曳素凌蒼煙君不
見孟浩然幅巾著雪翠微巔又不見陶潛九月九遠樹
深籬人送酒汝墳鳩雀舊有詩海上鷓鴣人未知兒童
慎勿取雛去白盡離人雙鬢絲

范鳳翼

春日酌花下

一春日日同花醉醉即拋琴伴花睡花氣朝來沾酒膩
花底常教挂酒瓢花殘怕似紅顏凋春愁無酒若爲澆
西園有酒花如綺東鄰不醉花光死誰分春花逐流水

阮自華

答鄭蓬洲道士

真真石室仙人子綵鳳花箋三尺紙千里相聞日月間
十年頻寄風波裏聞師鑄鼎碧山頭飛橋走問十滄洲
黃芽白雪照巖岫好住春光待遠遊

夜泊黃石岐聞笛寄內

無諸城外江流急夜向澄江發清笛橫江石貌舊嶙峋

徐廷明言 卷四
度海風聲況慘慄月中島樹映江明
笛裏關山並海平
醉向扁舟聽不得不知夢到幾回情

黃真尹伸

與王忘機飲觀音閣時忘機將訪友楚中

三日不對客五日不登山攤書縱過千餘卷
眉穎心靈了不關莫嫌欹峭一痕石百頃
澄光嬌軟碧雨天隴隴七點峰煙霄翠
滴寒樓脊如渾之酒力不經談鋒戛戛
當堅城未知鹿角中宵折已覺鴻毛萬事
輕君向雞羣尋野鶴余亦人中稱寂寞逢
君如斯恨其晚出峽恐君亦思返

王衡

送長孺北征

何以別君無苦顏男兒兩足多波瀾
況復春水平登百千尺呂梁石爛黃河寬
今日橋頭設小俎郵筒正報潮來午天
絲飛飛撲酒壺君船且逗荷花浦浦花
不可見船去疾於箭三月蠶子眠青桑
思君此際過高唐俄然大道棗園熟馬
頭已飽長安粟長安瓜李玉不如內家
冰氣頗有餘莫道黃沙暗額角早涼會
見秋風除秋風發發送吾子不負當時
舊弧矢老大無端怯暑寒千里之行自
此始我唱吳歌軟且輕為君擊筑歌燕
聲燕聲吹入北山去落月亭亭挂楓樹

乞花塲詩為徐孟孺陳仲醇作

兩郎租山山背虛野鶴有巢花有廬石芽磳萃鋪庭除
勾連湖水通花渠春來紅白娟娟笑山頭明月來相照
乍可新香釀酒醪剩將狼籍供才調風風雨雨無不宜
高高下下惟所施濕雲滿天土膏滑乞花幸及黃梅時
非但與山添景色無爲古人留勝跡花神自合來周旋
生長不賴花奴力

公鶴

秋夜

河之水清泠泠漾月色明空庭對牛女此夜情願爲乾
鵲飛青冥相思宛轉何時平

劉宗周

過張灣

張家渡口灣如織綠水朱門望不極夾岸垂垂楊柳枝
春煙猶帶五侯宅畫船簫鼓日紛紛得意罷官休論貧
回首張灣何處是不堪新說李家村

孫光裕

酌酒與韓求仲

君不見塞上翁失馬不足憂得馬不足喜禍邪福邪迭
相倚世事大都皆若此邯鄲婦嫁廝養兒宿瘤身入齊
宮裏紛紛好醜難具陳好醜由天不在人大夢之中還
說夢浮漚聚散蠖屈伸百年能得幾時樂十九憂愁病
與貧吁嗟乎侏儒飽欲死東方飢欲死才人坎壈自昔

然落落寧惟吾與子且須飲酒醉莫辭人生亦貴適意

耳

言

御選明詩卷第四十七

御選明詩卷第四十七

御選明詩卷第四十七

御選明詩卷第四十七

御選明詩卷第四十七

御選明詩卷第四十七

御選明詩卷第四十七

御選明詩卷第四十七

御選明詩卷第四十八目錄

七言古詩十三

徐冽一首

張鷟一首

楊鶴一首

李流芳二首

程嘉燧七首

左光斗一首

聞啓祥二首

侯恪一首

高道素一首

屠本峻一首

莫是龍一首

謝三秀二首

王同軌一首

梅蕃祚一首

宋登春一首

柳應芳二首

盛時泰一首

汪元范一首

王嗣經一首

盛鳴世一首

十八日錄

金鑑一首

吳夢暘一首

吳鼎芳二首

吳兆三首

王醇三首

黃世康一首

冒愈昌一首

鄭鄭一首

徐石麒一首

郭紹儀一首

魏學伊一首

田狩龍一首

張溥一首

姜埰一首

蔡道憲二首

陳子龍一首

方以智二首

陳恂一首

錢棻一首

黃淳耀一首

梁于涖一首

劉曙一首

葛一龍三首

周岐一首

郭金臺一首

沈章一首

陳梁一首

吳寅二首

鄒斯盛二首

吳拭一首

吳騏一首

吳璣一首

吳璣志一首

陳洪滋二首

吳寅二首

刺樂一首

武章一首

陳金臺一首

周文六首

葛一龍三首

御選明詩卷第四十八

七言古詩十三

徐列

春日過趙凡夫山居即事

茂苑三月春色都錦雲五色開平蕪碧浪澄泓蕩蘭槳
推篷忽列西山圖不禁殊勝來觸目神魂搖搖已馳逐
願御長風跨紫霄且隨飛鳥盤空谷況復同心恰兩人
探幽直抵支硎澳晴暉絢爛自吞吐萬壑千峰莽回互
兜輿直上樹杪行短袷還從花底度亭臺秀聳非人間
瑤光片片生雲霧丹石巖前茜草腓青霞榭裏啼鶯暮
流水淙淙一徑通層崖巧鑿驚神工主人護惜局靈異

重關窈窱藏蛟龍五丁徘徊不得啓隻腕奮決闢微濛
玄溜斜飛千丈雪絕澗遙懸百尺虹恍疑惠子臨濠上
不道秦王幸海東意氣縱橫凌白日山崩水涸俱懵懵
蒼頭競出譁異事遊人蟻聚紛來視詫余弱骨不勝衣
何爲狂趙若奔駟仰天大笑還應之歷落欽崎本狂士
飲酒百日餘兩眸讀書萬卷無一字看山不用通姓名
袖中漫滅襴衡刺呼馬呼牛任爾曹醉狂醒狂我自豪
人生行樂且乘興那能窘束坐牢騷我聞主人才且賢
何況蓬萊有謫仙芍藥參差開錦帙芙蓉冪屨覆霞箋
畫閣雙題碧玉柱宵鐙對詠蕊珠篇咫尺瓊樓不可到
對此飛流一惘然狂生雖狂解自處白眼看人得幾許

寧令落落笑知音豈肯卑卑溷俗侶尚平痼疾已成顛
衛玠膏肓無復悛暫折危柯下奔嶺還依落照返澄川
高山流水年年在勿令伯牙空絕絃

張鶴

登醫巫閭山絕頂

神州五岳神所居遼西乃有醫巫閭長城不能斷地脈
靈氣盤結東扶餘翠屏萬疊遮大漠危峰千尺凌清虛
砂頭西犇似駭浪山勢北曳同衣袂石壁巉巉俯絕壑
泉流滴滴下深渠鼉岡硯礪苦折屐烏道盤屈驚摧車
逶迤百折山之半別開一洞棲猿狙山樓突兀鑿新磴
佛火荒涼依舊廬攀厓披棘上絕頂天風欲墮吹襟裾

何當一掃狼煙息山巔可勒燕然書

楊鶴

題虎谿三嘯圖

青山日向微送客還山下行行出東籬去去離蓮社談
溪仙梵隱枯蒲漸似鐘聲入窈無陸公不語陶公笑因
之拍手相擲揄揄咫尺還相失十年却破山僧律無
情翻作有情歸秦人誤逐漁郎出

李流芳

送程孟陽遊楚中

我昨勸君爲楚遊喜君翻然即掉頭今日置酒與君別
見君行色我始愁平生心知兩莫逆人言君癡我亦癡

村扉城郭嫌疎索那能別此長爲客去年送我揚子潛
焦山落日江逶迤豈意今年復送君楚雲湘水勞相思
君家書閣秋山中千山萬山松入風我亦買山梅花裏
誅茆卜鄰期子同惜哉此意不得遂連年飄泊徒西東
人生萬事常相左飢來驅人欲誰那君今新得賢主人
相將且拽寒江柁江月山花遠趁君詩囊畫本留貽我
蓴羹

怪我生長居江東不識江東蓴菜美今年四月來西湖
西湖蓴生滿湖水朝朝暮暮來采蓴西湖城中無一人
西湖蓴菜蕭山賣千擔萬擔湘湖濱吾友數人偏好事
時呼輕舫致此味柔花嫩葉出水新小摘輕淹雜生氣

微施薑桂猶清真未下鹽豉已高貴吾家平頭解烹煮
間出新意殊可喜一朝能作千里羹頓使吾徒搖食指
琉璃盃成碧玉光五味紛錯生馨香出盤四座已歎息
舉筯不敢爭先嘗淺斟細嚼意未足指點杯盤戀餘馥
但知脆滑利齒牙不覺清虛累口腹血肉腥臊草木苦
此味超然離品目京師黃芽軟似酥家園燕笋白於玉
差堪與汝為執友菁根杞苗皆臣僕君不見區區芋魁
亦遭遇西湖尊生人不顧季鷹之後有吾徒此物千年
免沈錮君為我飲我作歌得此十斗不足多世人耳食
不貴近更須遠挹湘湖波

表石公盛稱湘湖尊菜美不知湘湖無尊皆從西湖采去以湘湖水浸之耳尊菜初摘後以水浸之經宿則愈肥凡泉水湖水皆可浸不必湘湖水也今人但知有湘湖之尊又因石公言謂非湘湖水浸不佳皆耳食者耳

程嘉燧

江上送超宗弟遊海門

人生良會難再遇常將骨肉等行路昔居山中無世情
汝未勝冠余未娶誰知衣食旋相驅坐令流落那能顧
頻冬嶺北厭冰雪長歲江東足煙霧弟嘗客章贛去日艱難真
可惜後來離別知無數相逢且暫同遨遊狂波對酒升
高樓江邊女弟留十日風雨賦詩殊未休汝更請為離
別吟試聽長歌足哀音余愁一歌傷汝心汝今又向海
門去能識江流深不深

孫履正履和北上予同舟送之入郡艤舟白蓮

橋信宿臨別題贈長句

御選明言 卷四
涼風一杯酒明月萬里心雙帆飛度吳苑樹澄江遠挂
秋河陰君過三山向京闕揚子津樓秋漲沒廣陵豪士
邀醉君期我不來意超忽君不見梁園歸弄黃河舫驚
沙刮地哀鴻高又不見吳都走馬來觀試霜葉覆階鴉
滿寺壯心簸蕩功名疎劍歌蕭條風雨至逐君兄弟歲
月深寸心匪石千黃金脫衣貰酒君酌斟君胡不飲心
沉吟沉吟欲言向予久舊時好事還能否黃羅峰頭搔
首問青天逸句驚人落杯酒此中二月梨花明綠莎錦
湍飛羽觥千林皚皚雪照夜踏冰響屨空巖聲玉屏門
西初罷射揮鞭半醉歸侵夜將軍開閤遮馬迎琉璃燭
晃金盤炙別來耕商甘隱淪此日感歎傷精魂令弟胸

懷萬人略結束弓矢千金門仲今落魄向侯邸食魚有
無那可論送君江邊天迢迢月明青天生夜潮我醉仍
眠爲君侶起看日暮陽山雨朝來移艇游邨南碧湖蒼
翠藏精藍龍鱗古木不見日菱花演漾開風潭卷帷散
髮蔭深樾此時賦詩思清發忽然二子就我來手指月
出浮雲開谿橋石路皎霜雪顧影踏月心徘徊徘徊不
眠欲至曙預愁明日還歸去白蓮橋西題贈君千載知
余送君處

送李茂修還山省母

男兒遠圖幾年志未得引領彎弧向屬國秋風辭家今
始歸顏狀慘澹氣抑塞憶昨薦士尚書郎

殷職
方公

知爾善射

聞四方中丞側耳識名字
轅門長揖生輝光
西秦猛士產靈夏
杜生少年大長弓大刀仍善馬
令與校射藪萬人齊
聲共呼出君下來趨幕府
何遠巡報國無階自致身
里中輕薄休相笑
陶母廚間正苦辛

走筆答贈胡京孺

丈夫身無羽翰長偏側
江水滔滔阻相識
白首逢君大道間
一笑寒灰吐顏色
五山低昂波浪高
扁舟掀舞同秋毫
截江破浪赴知己
侯門噂沓譏徒勞
世人豪舉皆如此
朱絃半絕心欲死
顏厚難教伺貴人
舌存未遣憂妻子
城中泥淖十尺深
多君款曲投知音
寧須百錢一斗酒
自有片語千黃金
男兒感激會下淚
莫緣失路沾

衣襟

清明舟中

清明寒食山頭哭
到處猶傳舊風俗
無家自愧百年身
有情共傷千里目
漢陽渡口柳依依
江風作花雪打衣
經旬始過道士狀
五日未離黃鶴磯
吳王廟前烏銜肉
又攪崩江作銀屋
叉魚艇子不敢行
晝傍官船愁水宿
春光忽開三月三
紅桃寫鏡江拖藍
煙花纔下兩孤北
松楸正在九華南
螺磯亭亭落日孤
春原盡處是蕪湖
青煙白道人歸去
紙錢挂樹啼鳶鳥

周敏仲同客過拂水莊阻風山廚蕭寂戲作

烈風振山石欲落
亭午高眠縮雙脚
髯郎扣門二客俱

好事經耳宛如昨青春豪絲醉白髮綠水華燈蕩朱閣
 米家船從何處來但說東臯好林薄朱門如山酒肉待
 却犯顛風抵窮壑纜舟盡日不得去白浪喧豨斷煙郭
 自巡寒庖有濕葦走問東家無郭索樵蘇清淡亦恒事
 倚壁呻吟如可作老夫猶云幸免俗且未燒琴思煮鶴

題畫雪景送炤師歸黃山喝石居

去年除夕師以余疾
 出山茲感舊作歌

蓮花峰腰三丈雪飛鳥無聲人跡絕山僧冒寒晨出山
 觸踏層冰跣圻裂遠來問疾剛一笑寒釭結花如吐屑
 紙窗竹屋歲聿除駒隙光陰催雷掣故人游山恨不俱
 愁我無緣上截業海虞公曾語
 炤師云云八十衰翁老亡力賈勇扳躋
 強得得前推後挽賴炤師環肘牽裾抱腰褱穿屨渡壑

捫确犖十步迴顧五步息忽然坐我天門間自怪平空
 生羽翼此時日下千崖赤相去牛鳴望喝石崖松龍拏
 互相引林石人形如欲沫菴前矮垣齊及肩道上清泉
 纔沒跂仰頭天都五千仞俯瞰蓮溝十萬尺瞳瞳簷松
 樹羽蓋纂纂楓林排畫壁廿年茅齋落夢境方丈香廚
 共禪席牀下地爐火長活龕裏燈明磬方寂八月山寒
 苦風雨有客夜投同軟語山芋煨來手自剝秋芽焙出
 還親煮老人擁衾日僵卧小師蓮經晨夕課開門忽報
 下方晴喏喏空中靈鵲過

左光斗

報國寺看松同李懋明御史鄒匪石吏部

梵宇紛披松十圍龍鱗高挂鶴來歸擁護天闕心獨苦
涉歷冰霜勢欲飛寒柯再放伸勁鐵皴皮細蹙姿態裂
怒枝雲霄敵蛟龍老根連蜷纏虹霓清風吹散何蕭騷
妙音衆樂生波濤碧雲秋影橫僧榻金粉春花點客袍
我聞廬山之松參天起孤高挺秀吸江水天柱龍山遙
相望爾我貞心毋乃是長安遍地桃李花笑他天冶擅
繁華五侯七貴爭相看歲寒誰爲過君家與君手挽長
松株向僧還索長松圖安得攜松置丘壑遠避如今五
大夫

聞啓祥

南關署中古梅一株南宋時物也徐青壁使君

邀看有賦

我愛西溪似西磧梅花鱗鱗照溪碧十里五里香雲迷
千枝萬枝玉筍劈我欲因之結伴遊誰知春向署中收
花枝次第巡簷發使人忘却西溪幽展轉看花被花惱
一樹婆娑稱獨老蒼顏鶴髮足典型縱使無花亦自好
使君愛花兼愛客斗酒潑花應不惜醉殘明月參橫昏
還憶西溪花正白

送陸遂初山人歸梁溪

有美平原雋偶過平原里巋然六尺挺鬚眉腰下黃金
紋蝕紫音操白雪和者稀大雅真能推七子與君把臂
自秦樓紫螭黃柑好拍浮舉杯長嘯邀明月恨不相逢

御選明言 卷五
共白頭相逢一日足千古烈士肝腸為君吐霜鏢芙蓉
匣底寒空宵擊筑賦鸚鵡秋風蕭瑟蒯緱濕江水迢迢
岐路泣送君南浦折柳條年年折柳長相憶

侯恪

題蘇漢臣鵲蚌圖

秋風瑟瑟蘆花白秋山如洗澗泉碧夕陽遠挂楓樹林
鵲蚌無心相逼迫蓑衣漁子下垂綸却看手取如有神
人生萬事皆如此誰為此圖蘇漢臣

高道素

臨淮秋夜

鳴撓伐鼓漾回波美酒千鍾開櫂歌秦箏甫停越謳發

落日微風雙翠蛾芳年易盡瑤華晚白日朱顏愁不返
橫笛他鄉未忍聞空齋獨坐成長歎

屠本峻

潮生

潮生君未來潮落君又去來去總無常勞勞西江渚江
渚月明潮又回郎行那得好懷開明朝試看天邊月不
待潮生蕩槳來

莫是龍

秋夜汎月龍潭聽賈客吹簫

空潭浩渺秋如練竹樹千家隔波面獨倚飛艫泊夜潮
冰輪一片林端見江頭賈客愁如何參差紫玉聲嗚嗚

欲絕不絕還更續飄颺細入寒雲多恍疑清籟因風舉
 又似孤凰求鳳侶泣盡鮫人百斛珠織成菱婦千條縷
 江南八月煙水深魚鴈寂寥鄉國音我亦聞之不能寐
 曲中誰念客苦心一從簫史仙遊去嶰谷枯篁杳難御
 今宵若遇玉容人青天定有驂鸞處

謝三秀

郭外看春山集任去疵齋頭作

花信風高繡幕垂牆東深樹語黃鸝向夕張燈留客處
 漫空飛絮困人時春寒側側春衣薄隔水流雲度幽閣
 小史紅牙按柘枝細君綠醪浮桑落陶然淺飲亦沾醉
 眼底幾人能得意不如斐几看南山鏡裏芙蓉寫煙翠

潯陽江上望匡廬

落日半銜江上峰峰峰矗若青芙蓉香爐五老在咫尺
 令人一見開心胸昔賢餘韻滿中谷社裏蓮花洞門鹿
 耳根萬馬呼天風無乃懸巖瀉秋瀑冥探未暇客愁生
 徙倚篷窗空復情不如覓枕且高卧呼兒為誦琵琶行

王同軌

虎丘舟中見楊花撩亂飛入幕內感而賦之

來時門前柳芽吐到日窳地條如許裊娜全傾掌上腰
 纖長故鬪機中縷垂條百尺任毵毵亂絮何緣飛滿天
 認是雪花霑不濕喚為梅片却成團畫舸筠簾遮不著
 美人紈扇撲半落胃從蛛網又颺來墮向蜂鬚飛復脫

樓頭少婦方孤寢懷人起對妝臺冷莫惹春愁上剪刀
休縈別恨歸衾枕縈恨惹愁飛轉賒紛紛逐我北還槎
還時已化浮萍草應對池塘憶柳花

梅蕃祚

後湖看荷花

山翠重重傍湖起北柳南楊映湖水水態秋來錦不如
宛轉荷花三十里底用花開十丈長遶堤無處不聞香
葉密花深難辨色紅衣綠羽鬪鴛鴦

宋登春

將之吳越別秦中知己

寒亭嫋嫋紫蘭枝曲池兩兩鴛鴦羽鴛鴦飛去蘭池空

青山一別隔千里秦娥抱瑟歌陽春金尊綠酒照離人
酒清絃正苦腸斷不堪聞我有相思曲歌竟恐憂君明
朝又向東吳去含情結思滿秦雲

柳應芳

長安送馬參軍之金陵

去去南遷客遠送黃金臺長江臘月春正來綠冰片片
迎船開問君無事蓮花府一日看山定幾回

胡可復水閣

長夏宜人溪上住短薄疎籬圍水樹炎蒸不到蕭森處
轉壁迎山閣子開涼風度雨北窗來濕花吹集木蘭臺
閣中別貯人如玉停波靜寫修蛾綠簾下凝妝看不足

御選日言 卷四
畫槩誰家載妓過倚闌竊聽歡聞歌盈盈無奈蕩舟何
酒船歸後溪聲靜斜月窺河升半嶺照見雙栖梁燕影
盛時泰

題史癡翁畫

老樹丫牙鐵作柯亂竹縱橫拂雲起誰知一段秣陵秋
寫在癡翁半邊紙癡翁癡翁蓬萊精有時拈筆人皆驚
想見卧癡樓上景狂歌醉舞鳴秦箏我本大城山裏客
看君圖畫來君宅出門却被強題詩坐對疎棚荳花白
近代何人能畫柳東吳張生稱國手沈周陸治不復作

汪元范

張恭父畫柳

藝苑聲名生獨有是時燕京風日妍生也拈筆當窗前
墨花片片落縑素千樹萬樹含春煙柔條宰地颺輕縷
密葉隱天帶疎雨耳畔疑聞黃鳥聲宛然坐我江潭許
對君此畫融心神頓令價比連城珍不須更寫河橋色
落日蒼茫愁殺人

王嗣經

賦得千山紅樹送姚園客還閩

秋山無處無紅樹君歸獨向秋山去霜錦千章照客衣
林霞一片隨行屨幾曲雲林到武夷幔亭高處坐題詩
南天氣暖無冰雪直到春花憶此時

盛鳴世

送陳獻墀入計

朔氣渡河水生骨敝巾小車傷遠涉竭來送客三日程
不盡關山恨重疊與君相知豈徒然一片肝膽千秋懸
感恩不忘國士報許心更受他人憐君今西去謁人主
五玉諸侯聯佩組漢家計吏開明堂黃金璽書誰比數
朝罷從容下玉除天樂縹緲雲中居行過閣門問丞相
挽回元化今何如

金鑑

贈同谷山人

太白之陽有同谷同谷之中白雲宿美人結廬谷口居
朝朝暮暮雲相逐我來問君君不言雲裏長鑱種黃獨

吳夢暘

暑夜孝若攜妓飲長橋上同諸從踏月歌

明月滿地寒如霜踏歌出門氣揚揚登橋仰面天蒼茫
千峰萬峰挂女牆酒星客星為低昂老夫興好君相當
阿渾阿咸底復狂袒跣大叫呼索郎長鬚仡仡催行觴
甘瓜碧藕壓酒漿其時妖冶誰為將黃衫蕩子青樓倡
絳紗引出差飾妝氍毹狼藉脂澤薌嬌歌忽轉嫵媚娘
前溪采菱音旋亡入宮變徵吾未皇坐來白露塗衣裳
鬢毛刁騷肌骨涼烏棲月黑還洞房博山煙滅燈無光
蟋蟀當戶逼人牀歡樂繼之慨以慷悄然無寢夜未央
徘徊中庭何所望

清明日沉舟

似晴欲雨養花天湖中冉冉生白煙波光夾岸綠無際
買得扁舟春可憐可憐最是清明節青青踏處盈盈韞
陌上漸歌桑渡頭仍弄楫燕燕正飛來鶯鶯啼未歇幾
樹啼鶯歇更啼幾家芳草綠初齊橋迴野渡還官渡路
接山溪又水溪山邊水邊春風起松花柳花飛不已春
風搖蕩棹歌前花香撩亂篷窗底棹擊空明濺酒衣中
流容與澹忘歸西林落日東林暝隔水漁燈映遠扉

秋盡

茅宇掩深壑石燈懸屋梁坐來清不寐自起繞空王門

外寒威知幾許牀頭猶有陰蛩語斷送空山一夜秋
櫚葉上瀟湘雨

吳兆

秦淮鬪草篇

樂遊苑內花初開結綺樓前春早來春色染山還染水
春光銜柳又銜梅此時芳草萋萋長秦淮女兒多閒想
閒想玉閨間羅衣正試單芳飈入戶吹帷動巧鳥當牕
攪夢殘因嬌麗日長安道相戲相耍鬪芳草芳草匝初
齊茸茸沒馬蹄芳草遠如暮望望迷人步將綠將黃不
辨名和煙和霧那知數鳳凰臺上舊時基燕雀湖邊當
日路結伴踏春春可憐花氣衣香渾作煙誰分遲遲獨

落後誰能采采不爭前
 嫋嫋桑間路佳期何暇顧悠悠
 淮水湄遠道不皇思空生謝客西堂夢徒怨湘娥南浦
 離未鳴鶗鴂先愁歇乍嘯倉庚正及時正及時先愁歇
 密取畏人窺疾行防蘚滑入深翠濕衣綠高香襲襪寒
 若將何為束芻欲待誰茜紅猶勝頰萸白却慚肌薜荔
 裁衣安可被菖蒲結帶豈堪垂盈匊盈檐羅衆芳蛾飛
 蝶繞滿衣裳蘭臯藉作爭衡地蕙畹翻為角敵場分行
 花隊逐對壘葉旗張花花非一色葉葉兩相當君有麻
 與臬妾有葛與藟君有蕭與艾妾有蘭與芷君有合歡
 枝妾有相思子君有拔心生妾有斷腸死羸歸若箇中
 輸落阿誰裏相向無言轉自愁芳垆過客忽疑秋別本

辭柯何倚託傾青委綠滿郊丘雖殘已受妍心惜縱賤
 曾經纖手摘芍藥多情且自留薜蘿有恨從教擲人生
 寵愛幾能終人心安得采時同縈愁結念尋歸徑接珮
 連裾趁晚風情知朽腐隨泥滓會化流螢入幕中

雪浪菴看桃花呈恩公

白石累累如雪浪青山疊疊疑屏障孤菴結處絕人尋
 千樹桃花深又深吾師講散僧徒暇或行或坐桃花下
 悠然花下悟真機落花偏著定時衣處處飄來天女散
 紛紛銜出佛禽飛如此春山誰獨往城中人有山中想
 澗戶疎鐘出谷遲石橋流水和雲响幾曲雲林望不通
 惟將流水世人同徐穿鳥語枝邊路傳過經聲花裏風

步步留人春不盡掩映嵐光無遠近池上數株昨夜開
舊紅幾點逐沿洄禪關自與仙源異莫誤漁人不再來

登五老峰望彭蠡湖

甲辰仲夏梅子庾喻宣仲曹能始林茂之同游凡半月

適度含鄱口來登五老峰千盤萬剝無人跡雨過泥腥
見虎蹤一徑孤懸五峯背煙嵐五點濃如黛壁面起兮
矗相向石顏疊兮詭萬狀履觸雲生處身齊飛鳥上霞
綴屏兮成錦霧瀾谷兮如漲峰頭霧雨峰下晴一邊湖
樹夕陽明波聲直撼鄱陽縣江色遙分湖口城憶昔揚
帆彭蠡左湖心迴壓看將墮今來頂上看湖光湖光射
眼白如霜不知浮蕩蒼翠表只覺微茫衆山小林交陰
兮青兕啼草丰茸兮故步迷遊人今夜何峰宿遙逐鐘

聲度水西

王醇

題馬姬湘蘭所畫蘭竹卷

寒映秋芳數枝玉冰綃宛是湘江曲能使湘靈愴別魂
瑤瑟泠泠怨秋綠霓裳奔月留難住錦衾紅燭生愁緒
墨花化作秦淮雲猶向妝樓日來去

夜同曹野臣宿西清館

夕煙如雨滂山脚煙際園林隔層幕遙燈一點透微紅
正月花枝閃螢燭路窮石子橫塘角小門輕響迸魚鑰
紙幃絮被重重閣新詩攪思眠難著十載清顏夢中索
此宵是夢翻愁覺

從遊日言 卷四
吳門送劉元博遊楚

芹芽淺淺江渌深江南畫船載楚心因君余夢瓜洲渡
期君水宿夢相遇梁間敝笥江底魚三年意密見面疎
寫與苦調伴千里峽夜啼猿疑在紙

黃世康

新柳篇

靈谷看梅初駐杖青溪又見柳條長稗葉晴窺拾翠堤
流絲暗撲游春仗帶結柔腰不自持笛弄新腔那得知
小樓思婦見愁別南陌征人折恨離離亭欲折未堪折
昨夜迴風復迴雪黯黯妝成寒食天毳毳怯近清明節
漢苑三眠髻欲斜隋宮一望雲半遮此時出谷縣蠻鳥

此時曳豔桃李花縈花狎鳥空青滴金縷千行照窗碧
抹黛當壚何氏孃垂鞭繫馬誰家客客來索酒葡萄香
巾懸結綠衣蘸黃迎陰半上鞦韆架踏影爭登蹋鞠場
場前歌舞少年路綺羅綵盡傷心樹但憐蘇小門庭清
誰知稽大林園暮一年柳色一年新新柳年年弄早春
章臺曲斷驚殘夢月淡煙疎惱殺人

冒愈昌

聽南嶽六空上人彈琴

我聞唐時穎師宋義海千載琴心應有待開士於今豈
後身朱絃一曲鼓青春春空雲漠漠春思生寥廓於水
見瀟湘於山見衡嶽彈為山水音彷彿聞仙樂仙樂冷

徐選明言 卷四十一
泠行樹中慧鳥流音和晚風虛言世上知音少君自心
如半死桐

鄭鄴

同諸子遊梅花邨次東坡韻

水簾洞過梅花邨耿耿歷歷空山魂素衣玄珮不可見
風吹夢斷人黃昏久荒松菊謝良友尋遍山川皆故園
歎息炎涼何處少此間氣候冬常溫歸雲僧共夜燈寂
落日坐待朝光暎仙姑已去酒田在萬樹花飛守洞門
邨左有何仙姑賣酒田獨立高原令人醒空中天語如聞言徘徊弔古
渾多事且醉神湖白石罇

徐石麒

苦寒行句曲道上

天寒敝絮僵如鐵車輪乍轉車聲咽歷過千山萬山雲
時飄三點五點雪皮膚蜩縮毛髮張蹇驢蹄滑愁道長
暮煙一點青句曲鞭梢遙指此中宿

郭紹儀

同官李匡山成寶慈言事被謫感而有作

花莫晒武陵花酒莫飲烏程酒武陵花豔迷人目烏程
酒甘誘人口李公骨鯁天下奇壯志屹立山勿移此時
朝廷重鈞黨阜囊霜簡無遲疑成公凜凜氣雄發夜漏
沉沉整袍笏漳江學士孤鳳鳴慘澹萇弘碧流血成公
裂皆那肯平苦諫危辭三伏闕二公名義垂不朽二公

既去儒林醜武陵花鳥程酒花殘酒歇終何有君不見
柳外東風動江樹輕薄紛紛飛作絮莫遣烏啼白下門
予亦飄然拂衣去
魏學洙
蘇莫西九日同巖知章澹如兄弟遊茶磨山
我來松陵尋好友到門恰值九月九主人大笑攜上船
船頭載花腹載酒舟子勸上姑蘇臺衆客首肯我獨否
青山宜作生面觀耳目熟爛妍亦醜但問誰家富修竹
我船便纜堤上柳布帆直指吳山陸起覽奇蹟竟何有
洞庭縹緲波雲沉彷彿頑沙臥千畝細雨斜侵濕布袍
放船倒出蓮花淩上方樹杪插浮圖石湖湖光照戶牖

隔林前度茶磨山共約聽歌到申酉驟觀山石勢頗仄
愁無平壤安坏甑斯須簫管咽流雲畫船別駐清溪口
蘆花楓葉舞涼風豈必美人垂素手同來伴侶大叫絕
私喜茲權良不苟寒蒲縛蟹一十輩烏巾注酒七八斗
酒酣不厭觴令酷衆人或辭我輒受推牕更問曠與晴
皎月若出當坐守

田狩龍

德香園初成邀同人水閣小飲

從教性懶似孝先一日一醉梅花前隨風艇子繫斷岸
斜陽細雨二月天茅齋近構臨水際薄霧杳靄含溪煙
竹樹無多露山色門前種菜十頃田黃昏偕友坐水閣

蟹眼臨風手自煎隨意摘蔬供匕箸杖頭不少阮宣錢
推窗涼月挂簷角西堂醉臥春風顛微波渺渺助清興
明日山前花欲然一日一酒醉亦前風

張溥

田題汪爾張深山歲月圖

深山歲月良如此亂石槎松鬱成雨彈琴不見無可言
泉聲淙淙漏天乳圖之高堂大厦中六月寒生晝忘暑
萬竹一廬老其間飛禽落日迴沙嶼

姜埰

簡余寒鐵

自我不見余秀才夏云徂矣秋風來我今一到秀才宅

堂前堂後生蒿萊丈夫骯髒只如此誓欲破家去鄉里
今日路旁一匹夫當時萬言干天子低頭俛首心不辭
養雞牧豕身應爾吾今讀書停雲館仰天狂歌何衍衍
有時野老扶杖過烹葵摘果酒先煖白公堤上波欲沒
期君同看溪雲滿

蔡道憲

踏梅

閨風山上珮環聲流雲西去愁不行玉笛只吹人間曲
不管湘娥夢未成漉漉月上青天去欲向瑤池歸何處
雙成臺殿已煙深玉蕊香驕風滿路

送堵牧遊入覲

十月迎君南千里送君北一歲雙酒卮隨君變顏色誰
能入長安便無故人憶下有洞庭上湘江爲我留君不
可得我在南君在北夢相思見顏色他鄉飯君強食歌
再歌中歎息

陳子龍

清明登越州門樓

高樓四望春風曉落花已滿江南道黛色橫天照白雲
碧川繞郭連芳草芳草湖分屏障中千巖倒映金芙蓉
盡日紅妝明鏡裏幾處青山憶謝公

方以智

遊雲壑憶啓一玉龍峽

松高結舍西山側青草年年舊相識東風何故又楊柳
昨夜爲君發顏色歸鴻嘹唳越長林聲入龍山峽水深
峽高明月照石壁隔嶺有人彈鳴琴一杯一曲彈未已
西望龍山白雲起

從冶父道中還家

作客寒冬冬至節日夕北風何凜冽同雲布地卷茆村
悲號中夜枯桑折五更風止天未明半空浙瀝雨作雪
長塗一望高下平雞鳴門外無車轍披裘騎馬行雪中
以手執鞭冷如鐵男兒他鄉自苦辛安居那得成豪傑
荒田不種少人煙野河冰合橋梁絕馳驅百里始還家
入門夜暗燈將滅道路風塵阻且長相逢氣結不能說

親戚家人皆笑余年年歲歲長離別

陳恂

麟溪沈氏九松

我聞杜陵野老浣花溪上之草堂堂前四松初移三尺
強當時作歌紀其事千載想見柯葉之青蒼麟溪沈氏
之松勝錦里相傳南渡攜家植於此九株天矯羅北山
北山堂枕麟溪水麟溪子姓十九傳約畧與松五百年
偃如車蓋散若霽捎雲拂月參高天我登北山山色好
山中爽氣開晴昊偶逢蔣詡開三徑却似香山揖五老
主人愛客兼愛奇拂拭几席罷圍碁圖書金石出箱笥
梅花衲畫老鐵詩諸公此地經過數坐石臨流翠成幄

月波之酒清若空戶戶齊傾斛犀角酒酣最愛謾謾風
古人知與今人同我將別去轉惆悵夢裏無忘十八公

錢茶

題麗農山居圖

向子徒懷五嶽願摩空無力慙羽翰愚公之谷何蕭間
萬頃寒流山夾岸我昔扶筇看飛瀑往返刺促山靈笑
君今結屋巢其巔囊雲弄月領清妙賣藥販屐堪逃名
種瓜青門待友生當軒晴對芙蓉萼并刀剪取琉璃屏
此中佳趣說不得呼童快洗雙蠟屐我欲買山依君住
披圖早識山中路

黃淳耀

虞山喫虎肉作

猛虎入山山氣惡腥風倒射巖石落兩山邨
眈不識虎謂是旄牛未生角扼虎之吭孽虎尾
虎驚不及施牙背東海無煩赤刀制南山已報
白額死老夫羈旅春盤空短衣匹馬行山中坐
分羹臠飽欲死拔劍四顧吾何功邨眈邨眈莫
倉卒儒冠爲爾頻衝髮人間真有猛於虎勸爾
拔身辭虎窟

梁于涖

竹西亭

茱萸灣水渙渙上有孤亭峙高岸而今冷落荒
煙斷遊人不來蒼鼠竄問竹西人不辨惟有隴
上舊畊夫五十

年前說曾見

劉曙

喜雨

柳陰未暗江南綠萬壑千林雨光足堤上桃花
點水平巖頭雪乳飛泉曲渺渺煙蓑何處歸遊
鱗灑灑潏遶魚磯不然閒殺任公子空羨如船
赤鯉肥亦有耽幽閉戶客博山舊翠添新碧
夜聽空階環珮聲朝嫌短綆併罌窄郊外泥香
樓外絲踏青休恨濕臙脂紫騮芳草吳綾襪
三月春風醉未遲

葛一龍

靈巖山下尋黃二丈不遇

開門見山如見君渡湖相問不相聞籬邊野水淡秋色
屋上老烏啼夕曛鄰人爲說攜家去更入深山最深處
溪寒路狹難獨行短棹空維烏柏樹

丹陽作

江流河流決如矢曲防新築巖巖起雲連粉堞兩重城
風嫋綠楊三十里小時行遠不知勞每向長安過此橋
衰鬢還騎欵段馬春泥滑滑雨飄飄
史滄如攜琴過訪
櫻桃花開山雨紅有客乘舟雲水東舟空祇餘三尺桐
仙人氣骨林下風姓名不署神相通別云訪我若不遇
自彈一曲出門去

周岐

風雪夜山中偶賦

一夜北風三尺雪四壁欲穿肌欲裂孤燈黯黯爐無煙
兩手握拳冷如鐵溪頭活水聲忽死巖下勁松枝盡折
中宵擁被不成眠坐聽寒鴟叫荒穴

郭金臺

秋同石琬伯仲琳諸子遊坤月精舍

山僧門掩數竿竹魚磬無聲瓜果熟我來欲就石頭眠
白日羲黃隱茅屋興來解却青山回野鳥銜花入幽谷

沈章

淮陰侯祠

淮水十斗泥半石行人入門三歎息王孫功高天下疑
赤龍雌雄俱慙德前有渭水後桐廬進則不足退有餘
曷不歸釣城南魚

陳梁

壽王叟

竹隱居士不入市手易一編三截韋顛毛下垂不復理
于埒有雞闌有豕牀頭有酒清且旨對竹銜杯聊自喜
田舍翁願已足矣人生大都百年耳叟今四百四十幾
甲子壯夫之顏小兒齒南宮注名從此始

吳寅

得無咎書

去年書來花欲紅滿城桃李醉春風今年書來花欲落
綠樹陰森人寂寞回首膠山一片雲無端忽向嶺頭分
愁心欲託松間月一夜清風吹送君

八月十五夜山中

九龍山中蘿月涼誰家玉簫調鳳凰清歌宛轉續霓裳
山中之人樂未央樂未央天欲曙停杯悄然共相語明
月未盡莫歸去

鄒斯盛

過陸清臣別業

水田剛數畝種菱兼種藕一方新築水田中四窗俱受
藕花風古藤爲杖竹爲榻起看青山卧看月田間晨夕

不閉關酒人自來還自還

燕子磯

江上危磯高百尺孤亭下瞰鼉鼉宅一帶新沙秋剪青
浪翻千朶蓮花白風颿如鳥沒雲痕野僧猶踞臨流石

吳拭

湏陽峽

清晨醉別曲江守直下湏陽望峽口須臾舟子亦動容
兩岸高插數百峰日氣在峽吐不得蒼嵐紫靄霏濛濛
下視潭影無天色但見石根沒深黑十丈巖頭靈乳開
百尋僻上暮鐘回餘峯一一斷復續菡萏各欲出風雷
舟中野客苦殘病決背支頤攬奇勝不堪夕色下遙陰

翠微枕上寒相競

吳騏

池魚因風雨逸去和錢天陶作

鑿陂種魚一千石隊隊銀鱗戲空碧風細翻騰綺縠紋
月華吞吐珠璣色垂柳陰陰覆曲堤喁花暖草出連漪
芙蓉密種防獺獺蘇合飛丸駭鷺鷥豈知八月秋風急
疾雷傾雨天如失湖海田疇一望連羣魚四散何嗟及
魴鱖常材不足奇任隨波浪自遊嬉願留一二蛟龍種
看取他年變化時

御選明詩卷第四十八

御選明詩

卷四十八

吳騏

三

御選日言卷第四十八

春風金平變外報以亭下歐龍是宅一得新沙秋
 流離常林不足尚且翻如象自茲歐風留一二妙蕭蘇
 弄雷酌函天吹夫時或田翻一望野草魚四婦所製及
 芙蓉密蘇羽離離合飛火翅驚鯉豈味八月好風急
 民華吞也耗幾會毒淋劍劍費曲毀野莽野草出雲餘
 覆如蘇魚一千百瀾瀾餘離離空際風臨臨飄然綠綠
 下視潭影魚因風雨盡去味幾天向并文
 百尋吳地是道回餘卷二一斷復續前意今欲出風
 集琳琳上寒卧競法皆支頭禮奇勝不堪下色下



